

東

華

續

錄

臣朱壽朋敬編

臣汪錫增恭校

九月甲申朔諭此次朝鮮亂軍生變張樹聲先後奏派提督吳長慶等率師東渡並特召李鴻章前赴天津會同查辦旬日之間該國亂黨悉平局勢大定辦理甚爲妥速李鴻章訓練水師深資得力著交部從優議敘○鄧承脩奏臣伏讀二十四日 上諭本月中旬甚見於東南此必用人行政實多闕失二十七日又讀 上諭悼親王翁同龢奏遵行詳詢洪良品據實覆奏一摺此案必須核奪緣潘英章到案與周瑞清及戶部承辦司員及書吏號商等當面對庶案情虛實不難立見仍著麟書潘祖蔭將此案澈底根究務期水落石出以成信讞仰見我 皇太后 皇上敬謹 天戒 訓飭臣工不勝欽佩但此等曖昧營私之舉苟非經手過付之人萬無確據卽有確據非嚴刑質訊豈肯吐實況被參之王文韶未解樞柄在麟書潘祖蔭皆受 國厚恩未必遽爲瞻顧而承審之司員雖保不聲氣潛遁預爲消弭且孫麟等雖奉 嚴旨催傳而輾轉須時遷延日久何弊不生臣實未敢必其澈底根究也臣竊謂進退大臣與胥吏有別胥吏必臧證俱確始可按治大臣當以素行而定其品評朝廷卽當以賢否而嚴其黜陟

以臣觀之景廉素稱節不應貶節而頓更但此案事閱兩年賊逆巨萬堂司書吏盡飽貪囊景廉總司會計未能先事舉發縱非受賄雖免贖刑或者以其贖徇遂指爲受賄亦未可知至於王文韶賦性貪邪爲曹郎日卽以奔競著名出位關道親開錢鋪積資營私及臬樞要力小任重不恤人言貪穢之聲流聞道路議者謂前大學士沈桂芬履行清潔惟援引王文韶以負朝廷實爲知人之累衆口敘同此天下之言非臣一人所能擬飾也伏見我 皇太后 皇上用人行政莫不虛心採納至公至明如前吏部尚書萬青藜人本平庸所參亦無確據祇以衆望不孚遽行斥退夫吏部名爲六官之長其事不過奉行朝廷尙不曲予姑容樞臣有總攬天下之權進退百僚之責乃治忽所關而顧以貪庸巧詐之人濫厠其間耶方今人才維艱吏事滋亂紀綱墮壞賄賂公行 天變於上人怨於下挽回之術惟在任人治亂之機固不容變若王文韶者才不足以濟奸而貪可以誤國若不速行罷斥使貪鄙之徒互相汲引布滿朝列 朝廷雖日詔臣工共勸修省不過一紙空文而欲以回 天變塞人言難矣臣位卑言微或不足據乞 特召一二親信之大臣詢以王文韶素行若何公論若何令其激發天良據實上對如臣言不誣乞卽將王文韶先行罷斥使朋比者失其護符欺辦者無所顧忌天下之人知 朝廷有除奸剔弊之意庶此案有水落石出之時如臣言不實則甘伏誦上之罪 臣與王文韶素無嫌怨但念 聖明之朝而貪

人在位皆由臣等不能盡言竭論所致區區愚忱欲已而不能自已伏乞 皇太后 皇上留神聽納則天下幸甚 上諭給事中鄧承脩奏樞臣被劾請旨罷斥一摺據稱王文韶因雲南報銷一案被參未解樞柄承審此案司員雖保不弊氣潛通預為消弭等語本日召見軍機大臣據王文韶力求罷斥懇請至於再三王文韶由道員歷任藩臬擢授湖南巡撫著有政聲是以特召為軍機大臣並令在總理各國事務衙門行走數年以來辦事並無貽誤朝廷簡在大臣一乘至公該給事中稱為沈桂芬所援引即屬臆度之詞現在事時多艱王文韶受恩深重惟當區勉趨公力圖報稱仍舊照常入直不得引嫌固辭至雲南報銷一案迭經諭令麟書潘祖蔭嚴行訊辦定須究出實情景廉王文韶有無情弊斷難隱飾著俟在尊慈潘英章到案後添派惇親王翁同龢會同查辦○諭奉宸苑奏承光殿失去陳設等件開單呈覽並現獲賊犯一摺據稱本月二十七日查明承光殿陳設箱內失去冊頁等十一件並於是日夜間有賊犯由承光右門爬牆上城當即拿獲常二一名等語禁苑重地該犯當二竟敢夤夜潛行上城實屬目無法紀著交刑部嚴行審訊從重究辦其未獲竊犯著步軍統領衙門順天府五城御史一體嚴拿務獲歸案審辦○諭軍機大臣等劉長佑等奏藩司出省查看邊防並布置關外各軍情形探悉法人意在盡撤北圻各摺片覽奏均悉沈壽榕等關外水陸各營業已分布駐紮此次唐炯酌帶小隊出關前赴保勝查看

情形山川帶往薊部計日可到著劉長佑岑毓英杜瑞聯飭令該藩司審度機宜妥慎辦理所有在防各將領一體聽候該藩司調遣毋誤機宜並與廣西派出各軍聯絡聲勢互為應援○銘安奏前設之敦化縣擬劃歸琿春府統屬是以請改吉林廳為吉林府摺內祇云府界東至敦化縣追請設寧姓庫道琿春府時以該縣距琿六百餘里若隸該府不惟遞送一切公牘殊覺紆折且審辦重案路遠山多難免疏虞仍請將敦化縣歸吉林府統屬附片陳明在案現在請設寧姓琿三城道府等官全案奉部議駁故部文於此事亦未議及所有前擬劃歸琿春府之敦化縣請仍歸吉林府統屬之處自應再行附片陳明以符體制下吏部知之○銘安奏吉林省舊有土稅仍歸旗署徵收下戶部知之○乙酉以劉宏堯為伊犁總兵○麟書潘祖蔭等奏等查辦御史陳啟泰參雲南報銷一案於七月二十九日奏奉 諭旨飭提雲南糧道崔尊彝知府潘英章歸案審訊等因欽此在案一面督飭司員按照該御史原奏逐層查究如周瑞清包攬雲南報銷經該省糧道崔尊彝等來京經手一節訊據天順祥崇號商人王敬臣供稱山雲南匯來銀兩聽說是辦報銷崔尊彝寄過周瑞清信兩封由伊號送交并未見面信內所書何事伊不知道等語是周瑞清與崔尊彝係平日通信又賄託關說部中司員書吏含混辦結一節研訊戶部送到書吏褚世亨工部書吏張兆鴻周仁溥均不承認連日熬審始據褚世亨供稱承辦此案尙有雲南司書

吏張瀛慮良駒經手辦稿派辦處書吏經手覆核等語當經片行戶部將該書吏等先後嚴密查傳茲准戶部覆稱張瀛慮良駒派辦處書吏陳瑞軒沈鴻年均未傳獲業經奏請飭拿等因是其畏罪情虛已無疑義臣等於奉旨查辦後當即知照戶部將書吏等先行看管聽候傳訊乃該司員並未一概嚴看亦未全數送部追經臣部究出密傳張瀛等迄無一獲案中要犯逃避無蹤實屬不成事體難保該員等無知情故縱情弊亟應嚴切根究查太常寺卿周瑞清既與孫偉通信該御史所參並非無因惟係三品大員未經解任未便徑行傳訊應請旨飭將孫偉原信呈案以憑查核戶部雲南司及派辦處承辦此案司員於所管書吏並不嚴看以致先後逃走亦難辭咎除由臣部查取職名飭令聽候查辦外應請旨先行交部議處雲南糧道孫偉知府潘英章查有來京辦理報銷情事孫偉與周瑞清通信亦應澈底根究業經奉旨飭令雲貴總督並雲南安徽巡撫迅即解送來京應仍請飭沿途經過之直省各督撫一律嚴催以便歸案審訊上諭麟書潘祖蔭奏查明大員接受外官私信請飭呈繳並將疏縱案犯之司員議處一摺雲南報銷一案經麟書等訊據天順祥商人王敬臣供稱雲南匯來銀兩聽說報銷孫偉竊寄過周瑞清信兩封由伊遞送交等語太常寺卿周瑞清既有接受孫偉信兩情事著即解任聽候傳訊並飭將孫偉原信呈案以憑查辦又訊據戶部書吏褚世亨供稱承辦此案尚有

雲南司及派辦處書吏經手等語麟書等咨行戶部查傳均未據案戶部雲南司及派辦處承辦此案司員於所管書吏並不嚴行看管以致先後逃匿實難辭咎著查取職名先後交部議處其在逃之戶部雲南司書吏張瀛恩夏駒派辦處書吏陳瑞軒沈鴻年仍著步軍統領衙門順天府五城御史一體嚴拿務獲歸案審辦餘著麟書奏前已有旨諭令雲南總督雲南安徵巡撫迅即派員解送來京所有沿途經過各省著各督撫一體嚴催毋許逗遛○諭李鴻章張樹聲奏查明援護朝鮮出力員弁遵旨擬獎開單呈覽並陳明吳長慶等功績各摺片此次朝鮮亂軍生變張樹聲先後奏派提督吳長慶等率師東渡並特召李鴻章前赴天津會同查辦旬日之間該亂黨悉平局勢大定辦理甚為妥速李鴻章劉練水師深資得力著交部從優議敘張樹聲相機度勢督率有方著賞加太子少保銜提督吳長慶統帶所部會同提督丁汝昌道員馬建忠迅速事機剋期定亂吳長慶著賞給三等輕車都尉丁汝昌著賞穿黃馬褂馬建忠著賞戴花翎以海關道員用交軍機處記名在事各員弁均屬著有微勞自應量予獎勵所有單開之提督黃仕林等均著賞穿黃馬褂朱先民著賞給頭品頂戴遇有提督總兵缺出請旨簡放參將張光釗著免補參將以副將仍留兩江儘先補用並賞加總兵銜賞給靖勇巴圖魯名號副將何乘鼐著免補副將以總兵遇缺簡放並賞給鼓勇巴圖魯名號遊擊郭春華著免補參將以副將仍留兩江儘先補用

並賞加總兵銜賞給冠勇巴圖魯名號總兵卜廷春著以提督過缺簡放並賞給詳勇巴圖魯名號參將
羅昌和著免補參將以副將仍留兩江補用並賞加總兵銜賞給綬勇巴圖魯名號何增珠等均著免補
參將以副將儘先補用並賞加總兵銜何增珠並賞給勅勇巴圖魯名號王金成並賞給壯勇巴圖魯名
號副將劉朝貴著免補副將以總兵過缺簡放並賞給一品封典道員魏綸先著以道員留於河南過缺
題奏中書科中書袁世凱著以同知分發省分前補用並賞戴花翎縣丞張察著免補本班以知縣仍
留原省前補用並賞給五品花翎沈朝宗著免補本班以知縣仍留原省前補用並賞戴花翎通判
黃建筦著免補本班以同知直隸州仍留原省候候補班前補用縣丞葉觀儀著免選本班以知縣選用
並賞戴花翎知縣李廷祐著俟補缺後以同知直隸州補用並賞換花翎府經歷潘鏗杰著免選本班以
知縣選用並賞戴花翎監生王湛恩著賞戴藍翎守備李田著免補守備以都司仍留福建儘先補用並
賞加遊擊銜千總葉伯鈞著免補千總以守備仍留江南儘先補用並賞加都司銜遊擊徐長順著免補
遊擊以參將仍留江蘇外海水師儘先補用都司蔣超英著免補都司以遊擊仍留原省儘先補用參將
林太曾著免補參將以副將仍留原省儘先補用都司鄧世昌著免補都司以遊擊仍留原省儘先補用
並賞給勳勇巴圖魯名號陸倫華著賞給贊勇巴圖魯名號車功戴伯康著以千總留於福建儘先補用

並賞戴藍翎陳琴著以千總儘先拔補並賞戴藍翎知縣何嗣焜著免補本班以直隸州不論雙單片分發省分前先用舉人呂增祥著以知縣留於直隸歸候補班前先用並賞加五品銜縣丞馬毓藻著免補本班以知縣仍留原省歸候補班補用並賞戴藍翎從九品降茂承著免選本班以鹽知事分發省分歸候補班前先用並賞戴藍翎附監生姚文藻著以縣丞分發省分儘先補用並賞給六品藍翎教習三品銜尚書森著賞加總兵銜道員周觀等著交部從優敘叙哀保齡著留於直隸以道員歸候補班前先用知府薛福成著免補知府以道員留於直隸歸候補班儘先補用道員方汝翼著交部從優議敘同知劉鵬慶著以同知留於直隸儘先補用餘著照所議辦理該部知道單片併發○何璟奏查北大雨颶風被災情形律旨覽奏被災情形深堪憫惻著該督飭屬詳細查勘妥為撫卹此外各屬有無被災之處著一併查明分別辦理○諭前據桂昂奏裕陵禮部庫內祭器被竊一案被訊人役牽控大員並博廉每事任意等情當派文煜前往查辦茲據查明分別定議具奏並條擬整頓事宜摺片此案賊犯尙未弋獲亟應迅即查拿著該管大臣密訪真贓實力緝緝務將正犯獲案解交刑部審訊並著順天府五城御史直隸總督仍遵前旨飭屬一體嚴拿務獲究辦員外郎奕奎專司庫門鎖鑰於祭器在庫虧短漫無檢察且於啟閉庫門收發祭器並不親往輒將封條交書吏代費鑰匙交打果人領取種種怠玩

獄屬不成事體著交部嚴加議處尙膳正祥盛尙茶正德英領管領榮齡分掌祭器箱鎖鑰於承領照收並不親到均屬不知慎重著一併交部議處失察更換庫鑰之前任員外郎富勒渾著交部察議溥廉被控徇租禮部員役各節均查無其事惟攜帶婦女便服入廟實屬不知檢束著交宗人府議處翼長尉春降祥總管富興於該管官兵曠誤平時不能稽查事後又不據實舉出均著先行交部議處仍著該管大臣於禮盜後查取值班官兵職名參辦餘著照所議辦理至溥廉被參撤去郭什哈差使擬革牛圈頭目各款既據查明辦理尙無不合卽著毋庸置議員外郎懿綿於書吏詐案侵冒毫無覺察且於應辦承繼之案遲至九年之久該員雖係兼管亦屬延延著交部議處其歷任失察懸缺之各本管官著該管大臣查取職名一併交部議處餘依議 陵寢重地各衙門應辦事務宜如何加意慎重查照定章敬謹遵行乃諸事任意廢弛實堪痛恨著該管大臣等照文煜所擬慎防庫儲嚴查錢糧各條悉心妥議認真整頓倘再疲玩因循不知振作致有貽誤定將該管大臣等一體嚴懲不貸○己丑諭梅啟照李鶴年奏查明盜犯胡體浚臨刑呼冤一案並續獲夥盜按例定擬及案犯程孤堆等請暫爲羈候各摺片著刑部速議具奏○戶部奏遵 旨議覆山西巡撫張之洞奏分別裁抵攤捐一摺伏攤查捐一端本爲弊政州縣多一分賠累卽百姓多一分腹削庫款多一分虧空故必攤捐盡除使州縣脫然無累而後可與之吏始皆

省當大減之後官力未裕民困未蘇正宜略予變通期於吏治民生兩有裨益茲據該撫張之洞奏設局辦理裁抵攤捐以清治源臣等公同商酌擬準如所請將攤捐各款可刪者徑行刪汰可節者極力撙節必不可刪必不能節者在於何項開款抵補由該撫分別裁抵奏明辦理此次釐定後務當各發天良潔身奉職如再有苛派及侵挪等弊卽由該撫指名履參以清吏治而重庫儲得 旨依議○戶部奏據張之洞片稱攤捐之數無如平好鐵管每年應解平鐵八萬四百餘斤好鐵二十萬觔例支價腳銀一萬一千三百餘兩尙不敷價腳及部價等費銀三萬九千餘兩由州縣攤賠至今並未清完仍歸司庫籌墊臣等求鐵政掃除糜費計每年可省銀一萬六千兩尙短銀二萬三千餘兩欲設法籌補苦於爲數太多懇 恩俯念管省地貧官累比照例價例腳之數暫准於釐金項下動支銀一萬一千三百兩稍資津貼以五年爲限俟物力漸舒再山本省籌發其餘不敷銀一萬二千餘兩由臣等籌款抵補等語臣等伏查本年三月間該撫奏光緒四五六等年因災停徵鐵斤攤款無出請動支銅本生息銀以資幫貼經臣部議覆將此三年例鐵免其籌解奏准行知在案今據該撫片稱鐵斤不敷之款雖有攤賠之名仍歸司庫籌墊虧挪轉轉殊欠清楚臣等公同商酌擬准如所請自光緒八年起所有不敷銀二萬三千餘兩暫於釐金項下津貼銀一萬一千三百兩俟五年限滿後仍由本省籌發其餘不敷銀一萬二千餘兩另籌抵補

報部查撥嗣後務飭承辦各員源源報解不得再有帶欠其自同治四年起各年欠解例數亦應設法補解至釐金用項本省專款自宜竭力整頓詳細報部以憑核撥得旨依議○李鴻章奏駐山海關之忠義軍四營前奉諭旨撤回鄂並將添設馬隊就地遣散適值朝鮮有事調車赴援輪船無可分載經前署北洋大臣張樹聲奏准先將馬隊遣散其步隊四營暫緩撤回等因近察朝鮮事宜粗定商局亦有船可調應趁未開河以前趕緊辦理該軍統領提督劉維楨先力疾抵津自備道費銀一萬一千餘兩並預籌遣營事宜均尚妥洽因其傷病復發准為調養茲檄令代統忠義軍副將楊維幹查照劉維楨所擬辦法傳知各營將火藥大礮營壘各項交練軍統領提督葉志超驗收酌籌兼顧各營軍裝山楊維幹收齊附船運鄂繳局各勇應找口糧及劉維楨所備遣費按名分給湖北警後局所備兩月川資先行分發匯票俟到漢口後各勇持票領銀並飭招商局趕備大輪船三隻剋日駛赴山海關老龍頭由葉志超會同楊維幹督率照料勇夫分起上船不准一名逗遛滋事搜查游勇其籍隸南省者隨船帶往漢口交地方官遣送回籍其輪船價值事竣由招商局赴湖北照章請領報關○李鴻章奏前據統領援護朝鮮官軍廣東水師提督吳長慶咨稱補授安徽壽春鎮標中營游擊李經綸前隨官軍航海東渡撈護朝鮮派領帶隊剿捕亂黨辦理營務頗為出力該員准補斯缺尙未請咨赴部查定例升任應行引見人員

如實有承辦要件難以遽易生手准將緣由據實奏明展限先給署札俟事竣引見後令其實授各等語
該軍欽奉 諭旨暫留朝鮮藉資彈壓朝鮮乃海外藩邦尤非內地可比游擊李經綸現在軍營有承辦
要件一時未便遽易生手請照例聲請先給署札等因前來 復查屬實理合懇 恩飭部先給署札俟
該軍凱撤內渡該員經手事竣再行給咨赴部引 見以符定制得 旨如所請行○任道鎔奏歷城等
縣被水情形得 旨本年黃水盛漲漫溢之處情形甚重著卽督飭文武各員將決口趕緊堵築竭力保
護其被淹地方並著詳細勘明妥籌撫卹毋任失所○諭倪文蔚奏關外官軍攻勦股匪生擒逆渠一摺
逆匪陸之平在越南滋擾與黃崇英李揚才等勾結爲患迭次抗拒官軍稔惡二十餘年在逃未獲提督
黃桂蘭等飭派各營分投搜捕本年七月間在松軒社火山岐口地方與匪接仗該逆陸之平獨敢指揮
黨衆拚死拒敵經副將陳德朝等奮勇進擊立將該逆生擒並陣斬逆黨多名辦理尙爲得手仍著倪文
蔚飭令派出各軍搜勦餘匪毋任分竄並著岑毓英杜瑞聯督飭防軍協力勦捕以靖邊圉提督黃桂蘭
謀勇兼優深資得力著賞穿黃馬掛在事出力之已革道員趙沃著開復原官原銜翎枝仍歸廣西原班
補用並免繳刑復銀兩副將陳德朝著免補副將以總兵記名遇缺簡放並賞換阿克敦巴圖魯名號賞
加提督銜提督陳朝綱著賞給該員三代正一品封典並賞換博奇巴圖魯名號縣丞高忠藩著免補縣

承以知縣歸候補班前補用並賞加同知銜賞換花翎從九品張之祺著免選本班以縣丞分發省分歸
候補班前補用並賞加五品銜守備黃雲高著免補守備都司以遊擊留粵遇缺儘先補用並賞副將銜
千總姜新成著以守備儘先補用並賞加都司銜賞換花翎參將周炳林著免補參將以副將仍留原省
儘先補用並賞加總兵銜總兵章和禮著賞給克勇巴圖魯名號並賞加提督銜參將黃忠立著免補參
將以副將儘先補用並賞給銳勇巴圖魯名號副將馮兆金著賞給勝勇巴圖魯名號並賞給該員三代
正二品封典以示鼓勵○諭禮部題本年十月初十日 慈廟端佑康頤昭豫莊誠皇太后 萬壽聖節
禮儀諸 旨遵行等語朕奉 懿旨著照上年九月初一日所奉旨行○文煜等奏內閣鈔出湖南巡撫
卞寶第奏京控交審案件事涉細微及未經本省控告者飭發該道提審情重者親提審訊等因光緒八
年八月初九日奉 旨知道了欽此查原奏內稱京控案件小民冤抑莫伸必當爲之昭雪問官意存迴
護必當予以親提立法無嫌周密至於田土錢債細故本無冤屈重情未在本省控告遠行赴京陳訴亦
無慮問官迴護似宜分別辦理今查控案事件如上項細故混爭或未經本省控告此類實多一經咨交
卽應將被告及證佐人等紛紛提省遠或千餘里近亦數百里川資旅費需用浩繁曠業廢時生機坐困
故凡牽連拖累者莫不受害無窮仰體 皇仁將咨案之事涉細微及經本省控告者飭發該管道就近

親提審明議擬咨司酌定覆核咨銷其奉 旨交審事件並咨案之情節較重者仍督同臬司親提審訊

以期輕重得宜恤小民苦累之情杜訟棍株連之計等因其奏鈔出到部查該撫所奏各情自係矜恤無辜免受拖累之意應如所奏辦理抑 等更有請者近來京控之多不獨湖南一省爲然如直隸山東河南湖北等省每年總不下百數十起其因該州縣聽斷不公令小民冤苦莫伸情急來京呈訴者固多而以口角微嫌意圖牽累捏情妄控者亦所在恆有追經發回審明多係衅起田土錢債細故未便以偶爾牽涉之詞遽予反坐擬以笞杖完結者十居八九核其情罪非特不應專咨報部亦較尋常外結之案爲輕其欺誣不曰事出有因卽曰懷疑誣控甚或以爲到案卽行供明並非始終狡執千篇一律比比皆是遂致刁狡之徒明知控告重情審虛不過問擬杖責因而添砌情節任意羅織多人罔知顧忌在准理各衙門內所控均係被屈事件情詞又極迫切不得不照例接收一經發交外省傳證提人遺途之跋涉公庭之守候受害已不堪言誠有如該撫所奏者竊以本應州縣自理之件紛紛提解該上司審辦非特體制不合且外省呈詞或有准有駁京控則無案不准卽無案不提刁健者仍得肆其誇張爲患之術以陰行其傾陷良善之計是提審本欲爲民伸冤而反致爲民滋累似不如就所控呈詞中分別應收不應收杜其奸謀所全當更不少如謂禁絕太甚恐不免或有屈抑不知 朝廷設官分職各有專司州縣卽或

有不肖而督撫臬司均係封疆大吏萬無不為百姓伸雪冤枉之理若不控經本省上司率行竊越赴京心目尚守法紀耶督撫身膺疆寄臬司總持刑名區區詞訟均不能為民伸理必待來京控訴又安用此大吏為也臣等復恭查嘉慶二十五年上諭各省民人赴都察院呈控案件向來有奏聞者有咨回者有駁斥者嘉慶四年朕降旨不准駁斥以防夙弊係指案情重大者而言若如賈允升所奏無論案情大小不准駁斥即不准發還則一切口婚田土錢債細事一經京控悉即咨咨辦理亦與政體非宜國家分職大小相維若以部院衙門理及瑣屑之務則直省地方官所司何事且近來訟風日熾使奸民臆計赴京控訴必當一概准理豈不益長刁風倍增獄地累株連流弊更大等因欽此臣等詳繹聖訓一切細故呈詞既不准收受則以細故越訴京控者更不應收其呈詞可知臣等公同商酌擬請旨飭下都察院及步軍統領衙門嗣後遇有京控案件須就該原告詳細審問如情詞諸多支離並未在本省督撫衙門控過其呈詞概不准接收如實有情節重大發交各省審辦之案亦祈飭下各省督撫偕同臬司巡道虛衷研鞠務得確情實則立予平反虛亦照例坐罪不准以事出有因及懷疑誤控等詞曲為遷就俾知法在必行非實有冤情斷不敢輕為嘗試庶刁風可少息於吏治似尚有裨益上諭刑部交接收京控呈詞酌擬分別辦理一摺前據湖南巡撫卞寶第奏京控咨交案件事涉微細本無冤屈重情未

在本省控告亦無慮問官迴護匪發該管道就近親提審擬該部查據卞寶第所奏各情係爲矜恤無辜
免受拖累起見卽著照卞寶第所擬辦理並通行各省一體照辦至各省京控案件實因州縣官聽斷不
公案情重大冤苦莫伸情急來京呈訴自應照例准理其有以口角微嫌及一切細故意圖牽累捏情妄
控者一經發交本省傳提人證輾轉滋累是徒使刁狡者得遂其傾陷之計良民受害不可勝言著都察
院步軍統領衙門嗣後遇有京控案件務將原告原呈詳細審察如控詞瑣屑情節支離並未在本省督
撫衙門控過卽予駁斥不准接收並著各督撫於京控交審之案督同臬司巡道虛衷研鞠務得確情實
則立予平反虛亦照例坐罪不准以事出有因及懷疑輕控等詞曲爲遷就擬結以儆刁健而安良善○
甲午李鴻達奏臣自署理街道事務以來諸事無不奉公守法乃本月初八日臣出門查街後忽有人到
臣私宅自稱係 御茶房太監孫姓名英瑞要見臣云有話相商比時臣家人向該太監說家主查街未
回該太監卽留下職名而去臣回寓查詢不勝詫異初九日該太監復到臣私宅適臣又出門未回臣家
人復向該太監說家主例不應私宅相見若有公事應在該衙門呈遞該太監復不言明何事而去伏查
我 朝職官私交太監例禁甚嚴而該太監英瑞竟敢到臣私宅兩次言語含糊實屬膽大應請 旨飭
下該管官查明該太監英瑞到臣私宅兩次有何事故是否應該究辦恭候 聖裁並該太監職名一紙

封呈 御覽 上諭御史李鴻遠奏本月初八初九兩日有人赴該御史私宅稱係御茶房太監姓孫名英瑞有語相商因該御史出門未回留下名片而去並不言明何事請飭查辦等語太監私行出外例禁甚嚴膽敢赴言官私宅求見亟應嚴切根究著總管內務府大臣查明即將該太監解交刑部嚴行訊辦

○乙未諭倪文蔚奏勦辦積匪老巢現已蕩平一摺版西鬱林屬大竹根地方有積年匪徒嘯聚與占踞墾業經慶裕倪文蔚先後督飭總兵董履高統率防軍會同地方官紳協力勦辦當將匪首吳晚大等殺斃並擒斬匪黨多名地方一律肅清在案各員弁自應量予獎勵道員凌彝銘著賞加二品頂戴總兵董履高著賞加提督銜其餘出力員弁准其擇尤保奏毋許冒濫陣亡弁兵著查明請卹○諭昨據御史李鴻遠奏有太監孫英瑞赴該御史私宅求見當令總管內務府大臣查明解交刑部訊辦茲據奏稱查明御茶房太監並無孫英瑞其人初八初九等日亦無告假外出之人調查各處太監花名總冊均無孫英瑞之名等語此次赴該御史私宅投遞名片究係何人難保無捏造姓名情事著步軍統領衙門順天府五城一體訪拿務獲送部究辦○梁俊奏戶部總司出納各省報銷名目不一向無浮議獨至軍需用欸每奏報到部即謔言四起豈常例報銷書吏不索規費獨至軍需必欲取盈乎推原其故皆因常例報銷則年清年欸而軍需用欸每積數年而一銷或十數年而一銷其銀數動至數百萬千數百萬不等此

亦足駭人聽聞矣兼以部例必須造其細冊原為慎重庫欸嚴防浮冒起見不知此在任人不在任法督撫苟賢雖不報部其肯自縱乎若其不肯則報部之冊卽其作弊之藪又安知不以部費為名吏行侵挪乎且以事隔多年官非一任之欸項而必繩之以細冊無論外省造報為難卽細冊到部堂司各官其果能自矜否耶顯以防督撫之不職隱以縱書吏之作奸以致書吏之權愈重其濫用濫銷者固必刺經關說卽實用實銷者亦須賄免吹求卽如雲南報銷一案向來視為故事今竟傳作新聞書吏遂颺樞臣被劾物議沸騰尙復成何政體弊極則返此不可不量為變通者也查曾國藩克復金陵左宗棠克復新疆皆准開單報銷免造細冊現在軍務肅清已久各省善後用欸積欠未銷者諒亦無多應請飭下各省督撫凡光緒八年以前軍需善後積欠未銷欸項核實刪減准其一律開單報銷俾一目了然書吏無從施其伎倆尙該督撫仍有浮冒情弊別經發覺定行從重治罪庶弊源既清而政體亦肅矣 上諭御史梁俊奏軍需善後用欸請開單報銷免造細冊一摺各省軍需用欸前經奉 旨同治三年六月以前免其造冊報銷自七月起仍一體造報原以重庫儲而杜浮冒惟歷年既久用欸甚繁軍需止項善後事宜名目尤多若以造其細冊與例脗合往往再三駁查稽延時日甚至遷就挪移串通囑託百弊叢生並有應行造報之案積久未辦轉不足以昭核實所有光緒八年八月以前各省辦理軍需善後未經報

銷之案將收支款目總數分年分起開具簡明清單奏明存案免其造冊報銷各該督撫及統兵大臣務當激發天良確切查核開報不得以免造冊藉端混經此次降旨後如有各部書吏招搖請案及各省局員冒開費用情弊該督撫及統兵大臣等不即舉發別經查出定當一併從嚴懲處至嗣後軍需首後應行造銷之款仍著查照定例隨時趕緊報銷不准稍有延擱○梁俊奏八月間恭閱邸報張之洞奏請設局清查藩庫摺內有葆亨在任濫發款項按成册分倒扣三七二八匪費無算等語聞者莫不詫異咸謂二品大員賁劣至此誠近今所罕聞也以為此等弊端不止葆亨一人光緒四年十月間已附片極言其弊經戶部議准責成督撫通行在案然從未舉發者特各省督撫不能如張之洞之任勞任怨耳張之洞撫督新政均經奉 旨嘉獎而清查藩庫一節尤為方今理財第一大政但兵燹之後各省情形大略相同藩庫積弊恐不獨督省為然查督省藩庫五弊曰籌墊曰濫支曰撥抵曰借動曰隱匿如謂除督省外他省藩庫全無籌墊濫支撥抵借動隱匿諸弊非惟局外人不致深信當亦各該督撫所不敢出具切結者也且藩庫用款無一不由戶部報銷現在戶部報銷業已被人參奏而各省藩庫仍聽其弊混不清不為深加釐剔似亦非內外畫一之道相應請 旨飭下各省督撫振刷精神破除情面仿照各省清查藩庫章程一律勒限設局辦理並請先將積年緩發款項由督撫查明藩司不准再行擅發庶各

省藩司不至再蹈葆亨故轍 上諭前據張之洞奏請設局清查各省庫款當經降旨准行茲據御史梁

俊奏藩庫積弊恐不獨各省爲然請飭各省將籌墊濫支撥抵借動隱匿等弊一律設局清釐等語各省
庫儲款項國帑攸關不容絲毫弊混歷年以來籌辦軍需善後等事款目繁多官非一任難保無前項情
弊著各省督撫仿照山西清查章程將藩庫各款一律勒限清釐務當破除情面認真辦理以重帑項而
清積弊至應放應緩各款尤宜隨時查核毋任稍涉含混○張樹聲奏謝賞宮銜 恩並請收回成命得

旨覽奏已悉張樹聲此次調度有方朝廷論功行賞一秉至公該督其毋固辭○夏家鎬奏請解任允

之○調許庚身爲刑部右侍郎以童華爲禮部右侍郎○諭河南盜犯胡體按臨刑呼冤一案前經梅啟

照李鶴年訊明擬結當諭令刑部速議具奏旋據刑部奏稱查閱原奏疑竇甚多應俟供招到部再行定
擬此案迭經御史風聞陳奏其爲輿論糾紛概可想見究竟案情有無冤抑若不詳慎推求不足以成信
獻卽著李鶴年將全案人證卷宗派員妥速解京交刑部悉心研鞠務期水落石出毋稍枉縱○戊戌諭

吳大澂奏特保賢才懇恩破格擢用一摺候選訓導胡傳著以知縣留於吉林酌量補用該部知道○己

亥諭巡視中城給事中中國秀奏援案酌保練勇局出力員弁開單請獎並州同黃瑛請仍照原保給獎各

摺片著該部議奏單併發○賞給京師外城各粥廠煮賑米石○辛丑哈密幫辦大臣長順與俄國分界

大臣佛里德會議伊犁邊界約三條成○倪文蔚奏粵西省候補人員請再停分發二年下吏部議奏○馮驥奏陝省各屬勸捐積穀籌建社倉已有成數報聞○張佩綸奏九月十二日奉 上諭御史梁俊奏軍需善後用款請開單報銷免造細冊一摺等因欽此臣維軍興以來各省支用軍需籌辦善後多者數千萬少亦數十萬其中浮冒不一而足然猶有不敢過於浮冒者慮細冊到部計臣從而議其後也戶部司天下大計苟大臣潔己以率屬言員守法以奉公雖有猾吏奸胥妄敢串通囑託是其要全在得人而非立法之弊今若分年分起悉令開單存案則部中無權而權在外省封疆大吏豈能盡熟旬稽司其事者為丞員為幕賓為胥吏耳臣嘗究其弊矣兵差過境無籍可徵則州縣藉端虧缺軍需孔亟奏報不及則庫項尤便挪移甚至託名善後虛報工程捏稱墊辦希圖冒領准駁驗局員之言多寡憑密密之口高下視胥吏之手種種弊竇悉數難終而疆臣及統兵大員亦遂以糧案為濫過之地如咸豐間張起鵬下獄物故而勝保置身事外是其證也報銷之弊如此若再令開單具奏總列名目寥寥數行不特朝廷無由知其虛實即原奏之督撫僅憑彙局之一詳亦恐莫悉其底蘊一案奏銷數家驟富吁可慨矣夫造具細冊其弊在部中之需索然京員朋比貪婪形跡易彰指摘亦易及此雲南報銷所以終經御史劾奏也若開單具報則其弊在外省之浮冒請張為幻發覆亦難外重內輕弊將雜出因噎廢食此之謂

矣且 朝廷不知有串通賄託之弊則已既知其弊法不能加密而轉疏之乎至同治年間 諭旨以開
平粵逆特沛 恩施確爲常例其時湘淮將帥及筦理糧餉大員均極一時之選殆非今日所可比况
庫款則澈底清查報銷則開單呈 覽勢必將藩庫無著之款全納於報銷之中不過統兵大員多費數
紙印領而已豈非互相矛盾者哉伏念財用出納終當責成戶部軍需則例尙沿乾隆金卅藩冊殆不可
用與其任法不如任人豈廉王文韶因雲南報銷一案例宜引嫌尙書閻敬銘素著忠清長於綜核筭筭
楚軍糧餉情弊尤所深悉請 旨飭下戶部尙書閻敬銘將御史梁傑所陳開單奏報之處有無流弊及
如何杜弊之處悉心妥籌據實奏覆內除戶部招搖需索之由外絕各省含混冒銷之弊誠歛財會出之
要也夫今日天下之弱患在貧而天下之貧患在中飽報銷爲中飽之一端也於水災疏中曾詳及之茲
事稍有關係願 朝廷勿忽視 旨憚更 成命 上諭前因御史梁傑奏軍需善後用款請免造冊報
銷當經明降諭旨令各省開具簡明清單奏明存案茲據右庶子張佩綸奏報銷免造冊冊外重內輕易
滋流弊請派大臣秉公核議以慎度支一摺著戶部妥議具奏○壬寅諭軍機大臣等有人奏日本與朝
館定約如兵費五十萬元及兵駐王城兩條所關甚大閣道員馬建忠實主其事且言賠償兵費朝鮮無
資可由中國商局代借又恐李鴻章等察出乃屬朝鮮使臣彌縫其失筆談中謂此約非建忠主謀正其

欲悉編彰吳長慶亦歸罪該道謂其擅預口約任性妄為等語此次朝鮮與日本定約究竟馬建忠曾否
與出其事著李鴻章張樹聲確切訪查據實覆奏毋稍徇隱原片著鈔給閱看○諭軍機大臣等張佩綸
奏星象主兵請講武以靖藩服一摺據稱朝鮮亂作於內敵偏於外吳長慶一軍暫留鎮撫極宜之策
非經久之圖條陳六事請飭籌辦等語朝鮮密邇陪都實為東北屏蔽該國情形積弱現在變亂甫平鄰
邦窺伺自應力為護持以昭字小之義兼為固圉之謀第其間籌辦機宜措置必須審慎張佩綸所陳理
商政預兵械救倭約購師船奉天增兵永興籌備各條著李鴻章悉心酌度妥議具奏○癸卯頒給上南
關之榮澤懋胡家屯石家橋 河神廟匾額○奕齡等奏光緒八年九月初四日內閣鈔出初三日奉
上諭前據桂芬奏 裕陵禮部庫內祭器被竊一案被訊人役牽控大員並溥廉每事任意等情當派文
煜前往查辦茲據查明分別定擬具奏溥廉被控徇袒禮部員役各節均查無其事惟攜帶婦女便服入
廟實屬不知檢束著宗人府議處至溥廉被參撤去郭什哈差使擬革牛閣頭目各款既據查明辦理尚
無不合即著毋庸置議等因欽此鈔出到 衙門查處分別例內載凡王公貝勒貝子遇有議處之奏奉
特旨指明交宗人府議處者應由府咨查部例辦理等語當經 衙門咨查兵部去後旋准覆稱查本
部則例內並無攜帶婦女便服入廟作何議處明文僅有官兵閑散人等有縱容婦女入寺及隨入營會

者經步軍統領衙門拿獲訊明縱容之人係官降一級留在私罪係平民雖六十私罪並官員出外行走不許私去頂戴所奉 諭旨鈔錄片覆前來查兵部片稱嘉慶十一年五月內奉 上諭前因佟關保兄弟以現任職官私去頂帽在城外飲酒滋事當經從嚴懲辦並明降諭旨令旗員子弟等務各謹慎自愛以飭官方乃甫閱數月復有綸布在街揪扯並有不戴用頂帽之事積習相沿殊屬可惡若不明示例禁仍恐不肖之徒不自檢束必有復蹈故轍嗣後現任文武大員以及職官如有私去頂戴出外行走之事是已不以職官自居一經查明參奏卽著降調示懲倘復另有游蕩滋事情節卽著先行革職再候究辦卽宗室王公不自檢束實有私行游蕩之事亦照此例辦理等因欽此復查 臣衙門則例內載凡王貝勒貝子公之屬除奉 特旨始准降等若因案議處向不酌擬又例無專條核其情節引律科斷私事因降級調用者無論有無職任每降一級俱准本例半俸三年抵免降調世職降級多者以次遞增其兼職任者仍應摺內聲明情節請 旨可否一併革去恭候 欽定又律載不應得爲至爲而事理重者杖八十私罪降三級調用各等語今奉恩鎮國公溥廉欽奉 諭旨交 臣衙門議處查溥廉攜帶婦女便服入廟與縱容婦女入寺情節較重且便服入廟與私去頂戴出外行走游蕩事體相仿實屬不知檢束 臣等公同議擬參酌部例請遵照嘉慶十一年 諭旨與以降調示懲按照不應重杖八十私罪律議以降三級

調用每降一級俱罰其公俸半俸三年抵免降調係屬私罪無庸查其級紀議抵其守護 東陵差使應
否一併革去等未敢擅擬恭候 聖裁 上諭宗人府奏遵議鎮國公溥廉等處分一摺著照所議溥
廉應得降三級調用處分罰公俸半俸九年抵免降調並著開去守護 東陵差使○諭崇綸等奏查勘
承陵等處應修各工請擇古興修一摺著欽天監於本年十月內選擇吉期先行知照即著盛京將軍
會同工部侍郎屆期敬謹興修餘著照所議辦理○甲辰前著兩廣總督都察院左副都御史晏端書卒
賜卹如例○諭給事中鄭溥元御史孫紀雲汪仲洵奏山東水災甚廣請飭速籌疏濬放備賑濟一摺據
稱本年夏秋間河水盛漲濼口上游屈律店等處連開四口懸城章邱濟陽齊東臨邑樂陵惠民陽信商
河瀕州海鹽蒲臺等州縣多陷巨浸淹斃人口不可勝計現在仍未消落請飭迅籌疏濬消賑恤等語查
竇深憫惻前據任道鎔迭次陳奏歷城等處被水情形甚重節經該撫委員查勘撥款撫恤並准其將本
年新漕截留三萬石接濟冬賑其決口處所亦經估定工需銀七十餘萬兩現正籌款堵築即著任道鎔
督飭派出各員迅將黃水下游馬頰徒駭鉤盤等河力籌挑濬俾水有疏消之路被淹地方早日涸出小
民得免蕩析離居並著體察情形將應需賑款寬為籌備所有被災戶口飭屬趕辦撫恤毋任一夫失所
用副軫念災黎至意○乙巳賑書潘祖蔭奏御史陳啟泰奏參太常寺卿周瑞清包攬雲南報銷一案經

臣等於光緒八年九月初二日奏奉 諭旨太常寺卿周瑞清著即解任聽候傳質飭將崔尊經原信呈

案等因欽此旋據周瑞清遣抱赴部遵將崔尊經兩信呈繳均係尋常通候之語並無辦理報銷字樣殊

難憑信臣等以周瑞清如有包庇情事必向承辦司員預為關說該部核銷之件因之含混辦結究竟各

款應否准銷亟應考核明晰以憑究辦連日督飭司員傳集戶工兩部承辦各員詳加訊問飭令各遞親

供據戶部雲南司郎中福祉等呈稱應銷軍需用款均按照同治十二年以前開單報銷成案核辦其廉

俸等項係查照咸豐年間例題稿核辦派辦處郎中松安等呈稱准雲南司將報銷片稿移付該處覆

核查核數目相符係照案准銷之款工部虞衡司郎中福志呈稱准戶部印單所開製造等項核與該省

原奏數目相符遵照同治九年奏定章程知照戶部奏銷各等語臣等伏思該員等果係認真辦理照例

准銷何至以含混辦結等情致干御史參劾所供與例相符不足為據且崔尊經等迭經奉 旨催提指

日即可到案如果訊有遁情節將來定案擬罪分別枉法不在法當以應銷不應銷為斷此案稿件不

得不預先核定軍興以來各省報銷章程不同頭緒紛繁臣部無從查考承審此案司員分隸步軍統領

刑部各衙門素無經手錢糧之責未諳旬格非由戶工兩部堂官另派廉幹司員迭案確查無從核實相

應請 旨飭下該部將此案報銷查照則例並歷辦章程秉公覆核聲明應否准銷不得稍涉迴護以便

遵照訊斷 上諭麟書潘祖蔭奏請將雲南現案報銷飭部覆核一摺著戶工兩部堂官另派廉幹司員將此案報銷查照例章秉公詳細覆核據實具奏本日召見軍機大臣據景廉王文韶奏懇迴避景廉王文韶均著毋庸會同覆核○諭軍機大臣等麟書潘祖蔭奏雲南報銷一案現經訊據戶部書吏張瀛供稱潘英章來京找伊辦理報銷並許給銀兩伊等皆得受筆墨費多寡不等惟尊奉潘英章來京辦理報銷是否係該督撫所委詢員等所齎銀兩究係支用何款是否庫款抑係軍餉盈餘請飭查明等語著劉長佑岑毓英杜瑞聯將以上各節迅速據實覆奏不得稍涉諱飾將此由四百里各諭令知之○丙午諭丁寶楨奏鄉試應試劣生魯眾滋事一摺據稱本年四川鄉試二場點名時有已被貼出之貢生周冕膠混入場經提調官查出丁寶楨查訊屬實因已封門交成都縣知縣耿士倬看管突有士子數十人藉稱該縣捏辱士子魯眾數百人打毀號棚擁入至公堂大肆喧嚷毀壞器物拋擲磚石當將在前之馮藻鏡等拿獲餘眾悉散尚有數十人在堂滋鬧復經提調官出馬珍璧等數人追散發題紙時該士子等並有搶燒題紙情事據實奏明懇辦等語鄉試為掄才大典應試士子宜如何恪守場規各安本分乃該省竟有魯眾滋鬧情事似此刁風斷不可長所有拿獲滋事之馮藻鏡羅文瀾陳毓瀚及查出之馬珍璧周兆熊周燮艾本元陳綸全並朦混入場之周冕著卽斥革嚴行審訊照例懲辦丁寶楨約束不嚴並著交部

照例議處至場內執事各員如有辦理不善致滋事端之處著丁寶楨查明參處○丁未以孫昌凱爲浙
江海門鎮總兵○諭各省堪勝總兵人員向令各該督遴選保奏候旨擢用現值整頓江海防務操練輪
船尤關緊要必須簡任得人方足以資整理著李鴻章左宗棠會同董同治等何璟涂宗瀛彭玉麟各就所知出
具切實考語秉公保奏以副朝廷延攬將才之意○壬子展伊犁考核軍政期限○癸丑 上諭 太廟
行禮○諭刑部奏請飭拏盜竊賊設要犯一摺 承光殿陳設被竊一案現經拏獲之王恆瑞供稱係與
前經犯案充竊逃回之常二夥同偷竊等語著步軍統領衙門順天府五城御史將常二卽常連喜一體
嚴拏務獲送部審辦○予衡陽縣烈婦丁曾氏旌表○是月俄羅斯國使臣布策回國以駐紮天津領事
章貝管理○日本國使臣穴戶磯回國榷本武揚繼之

冬十月甲寅朔時享 太廟命隆勳恭代行禮○左宗棠奏典銷之設原爲取便窮民江南所屬克復雖
闕十有九年而元氣尙未復常尤宜加意撫綏俾蘇民困臣蒞任後查得江甯江蘇安徽各典取息既輕
重攸殊期限亦參差不一雖因地方情形不同各經稟定有案而章程未能畫一貧民無所適從以言實
惠均需恐尙未逮也臣因酌中定議江甯江蘇安徽所屬各典無論抵當衣飾器具凡資本一兩一律取
息二分連闕二十四箇月仍留餘限三箇月凡二十七箇月爲滿凡過隆冬及災歉年分毋庸再議減息

每年除典稅照章完納外城垣每月只准捐錢二十千文公典每月只捐錢十二千文此外公事一概免捐所有由地方官發典生息公款無論何項放息無過一分一切陋規概行裁免當即一面通飭遵照一面出示曉諭在案嗣徐州典商以地方瘠苦其民間質當每號不過數百文細者絮布粗者農具房屋雖廣不敷堆積夥友非多不敷應用且又春當秋贖一年祇得數月之息濫陳苦況呈山江甯藩司詳請仍照舊章辦理且安徽之太和阜陽壽州泗州各典商以前情徑來稟處具稟體照所陳典商為難情形本非捏飾惟立法無取紛歧誠恐日久所有藉口馴致紛更復思保富卽所以恤貧為小民計則典商亦宜設籌及之允其酌發官本不取利息飭由地方官查明各典近年當本若干核數發給過有開歇交替之際由典呈繳以重要款現已據安東一縣稟請發給怡通公典本款經批准酌發銀二萬兩於鹽票報効款內動發不取利息其應如何分年拔還或竟以停歇之際歸還原本均不取息飭司議詳候酌續有請者當一律照准期商民兩得其平其有本係二分取息隆冬及歉歲仍願讓利者是各典商好行其德官司只宜代為請獎不必加以誘勸更不准從而要挾以阻其樂善之心自此次定章以後如有典商陽奉陰違私自加息減期及官吏仍取陋規情事一經查出當卽分別辦理以示懲儆下戶部知之○乙卯萬培因奏近閱邸鈔四川督丁寶楨奏為酌清官運局帑本還清將丁戊己庚四綱徵收稅羨截

酌省正款支存銀一百八十九萬四千七百七十七兩九錢零永遠存留局中作爲運本等語伏思四川鹽務改設官運原期整頓綱增鹽課創制辦以來徵收既裕所有每年贏餘銀兩應妥爲存儲以聽撥用豈容以四綱支存正款至一百八十九萬餘兩永遠留局致 國家應入巨款幾同畫餅殊非核實之道復查該省官運初辦虧岸借撥運本不過五十萬二千兩接辦滇岸截留運本亦止六十四萬九千餘兩統計百十餘萬已足以敷購運今所請存留之款近百九十萬爲數實大懸殊大凡事難於創而易於繼應辦五六年之久諸宜駕輕就熟不宜驟增資本致啟日久虧挪之漸况前兩次借撥截留款項俱已遵依年限提款歸還順理成章不聞支絀今請永遠存留巨款殊覺前後兩歧難保非驟有侵挪故爲此不得已之請以彌其缺即使該督悉心經理而委員之朦蔽影射恐亦在所不免可否請 旨飭部核議酌減截留資本數目並查照前案酌定年限提款清還庶於鹽務庫儲均有裨益 上諭御史萬培因奏四川鹽務官運局截留資本過鉅請飭部裁減並照案定限清還一摺著戶部議奏○諭雲南昭通鎮總兵麟志著開缺送部引見所遺員缺著何維輝補授○允御史萬培因奏請旌表貞節婦葉陳氏○良貴奏京城設立步軍以緝盜也街巷堆撥相望步甲常川巡查夜燧徹望非若外州縣鋪兵之相距遼闊防範難周也地面官每夜巡更遇賊卽捕其力不能捕者亦可尾隨以躡其蹤跡立法至嚴密也近年京中

物力艱難旗民窮困者多兼以賭風甚盛以致竊案疊出而十無一獲甚且肆無忌憚竊及禁垣寶山積漸所致論者或歸咎於崇禮而不盡然也查前任右翼總兵銜定魁力任勞怨留心緝捕一時誘諭煩興而奸宄爲之斂戢自後鮮有能繼之者夫步軍統領責任重大居是職者率係才幹大臣然皆兼領煩劇思慮未能盡周且位望既崇里巷之事非耳目所能及亦勢或使然也地面官之巡夜也持燈者引其前擊柝者隨其後所到之處步甲互相傳報是授賊以耳目而示之趨避無惑乎終歲巡緝而未嘗與賊一謀面也卽或告以賊之所在矣則惟掩耳疾走不敢與聞一有失事則必央求事主免其呈報或更挽人說合許爲緝賊追賊但得事主不究卽可付之度外蓋一經報竊卽有考成且山翼至衙門層層使費及至緝獲送案官役之需索尤多已不勝其擾累若其遇有升遷則銜緣請託者書上考而緝捕勤奮者不與也是故緝捕所由懈而盜賊所由張也伏思首善之區理宜嚴肅請奸緊暴不厭詳求擬請 飭下該衙門嚴定賞罰力挽積習以清 聲殺而安善良 上諭詹事府右庶子良貴奏捕務廢弛請飭整頓一摺步軍統領衙門職司巡緝禁誘奸最關緊要若如所奏地方官遇有失事央求事主免報緝獲送案官役又多需索遇有升遷各缺銜緣請託其緝捕勤奮者轉不得書上考種種弊端實屬不成事體著步軍統領等認真整頓如有諱飾擾察情事立卽從嚴懲辦其考核屬員尤須破除情面賞罰公平不得稍

涉瞻徇以重捕務而杜積弊○啟秀奏奴才仰蒙 聖恩派令協同管理盛京內務府事務奴才例應將
宮殿內供奉尊藏內庫恭存一切陳設物件敬謹查明具奏謹查內務府案卷內載 太廟供奉 冊寶
共六十二分 敬典閣上層尊藏 玉牒黃檜紅檜共二百四十包 寶十顆 敬典閣下層尊藏 玉
牒黃檜紅檜共八十包 崇謨閣尊藏 寶錄一千五百一十三包 聖訓三百八十包 寶錄圖一匣
奴才敬謹瞻仰供奉尊藏均屬妥洽惟 敬典閣上層供奉 十代聖容十箱 行樂圖四箱奴才未敢
擅敢敬於秋分節後擇吉恭晾時敬謹叩瞻又恭存 列祖 列宗所遺 御用鞍轡弓箭腰刀鎗劍
鞬 高宗純皇帝御用朝冠朝珠朝帶袍褂鞍轡弓箭鎗劍腰刀鑿鞬甲冑 仁宗睿皇帝御用朝冠朝
珠朝帶袍褂鞍轡鎗劍腰刀準捷鎗撤袋弓箭 宣宗成皇帝御筆字挂屏鞍轡威萬鎗木桿鎗銀什件
樺木鞘小刀子火鏟火紙筒 文忠顯皇帝御用鞍一副藤鞭一把撤袋一副弓四張箭三十六枝等奴
才敬謹瞻仰妥為尊藏其各 宮殿陳設一切金玉銅磁物件金鏤金條銀鏤書籍字畫冊頁并收存綢
緞紗呢羽緞及 文溯閣收存書箱各等項按照印冊逐一詳細查點俱各相符奴才均嚴令該管官役
人等敬謹小心看守仍不時敬謹稽查以昭慎重得 旨敬悉○丁巳以休致光祿寺卿兼署刑部侍郎
雷以誠直遇恩榮筵宴賞給頭品頂戴○庚申諭前據右庶子張佩綸奏參山西候補道姚寶勳在上海

勸辦管檢賑捐牟利營私恣睢僥倖並探買木植浮冒侵蝕各款當諭令左宗棠銜榮光查明參奏茲據
奏稱姚寶勳委辦木植並無浮冒侵蝕實跡惟前在上海勸捐藉差招搖並有納娼爲妾及廣置房屋質
作妓寮收取利息等情實屬卑鄙無恥姚寶勳著先行革職其經手賑捐各款有無營私舞弊情事仍著
李鴻章張樹聲張之洞歸入姚文枬參款內一併詳細查明具奏○任道鎔奏京控案件如事甚細微未
赴州縣控告及告而未經傳訊等案酌發該管道府州摘傳要證就近提訊得 旨著照所請刑部知道
○林巖元奏銅仁府地方被水派員查勘及分別籌款賑卹情形報聞○銜榮光奏請將太湖廳東山司
巡檢移駐下楊灣村下吏部議奏○當蘇松糧儲道王毓藻按察使銜○世序奏本年九月十三日據兼
管西峪事苑副成保報稱據值班官兵王淵聲報八月二十七日有芳園居當差幼丁王立泉在西峪邊
界碧峯寺廟迤西路旁石臥碑前歇涼碑有損傷形跡等情職卽趨赴石臥碑前詳查碑上刻有 御製
詩歌前面二十八字後面十九字實係碣石微傷隨卽傳到當差幼丁王立泉連日追訊始行供認身年
十七歲奉派割打荆條圍築樹木八月二十七日身路過石碑前歇息實因年小糊塗無知用鎌刀磕傷
碑誌並無別情等語職謹將查詢各情據實呈報等因前來奴才等不勝驚駭當派委苑丞五福五岱常
祥等前往詳細查看旋據稟稱職等公同查驗得石臥碑一座前後兩面所刻之字均係陰文兩面字筆

毘之邊旁榜角間有微傷核與原報所傷情形相符其字體並無損傷等因稟覆前來復經奴才瑞芳等前往覆查與該苑丞五福等所查情形無異當即提訊該犯王立泉仍堅供不移查國內西峪地面建立石臥碑一座刻有御製詩歌理宜敬謹該犯王立泉雖一時糊塗不曉事體因差路過擅敢損傷碑字實屬膽大妄為亟應嚴行懲辦奴才衙門尚無刑訊除將該犯王立泉先行解送承德府看押外相應請旨飭交熱河都統訊明辦理至該兼管之苑副成保失於防範請交內務府議處奴才瑞芳世序及兼轄之苑丞五福五岱常祥失於覺察均難辭咎請一併飭交內務府察議得 旨著照所請該衙門知道

○甲子賞畢道遠索布多爾札布在紫禁城內騎馬○左宗棠奏江蘇各屬淤生沙洲經前督撫臣曾國藩丁日昌奏奉部議改十年一丈光緒六年屆滿丈之期經前護撫臣譚鈞培會同前督督臣吳元炳附片奏明派委候補道朱之榛會同蘇州藩司參照上屆成案議定章程先將蘇屬之江陰等七縣坍漲沙洲分委幹員會同印官次第逐加勘丈分別升豁催繳價銀補收花息及量予轉印仍將控案逐一訊結所需丈費均由司庫於洲價本款動支不准稍有需索奉 旨戶部知道欽此即經轉行政遵在案茲據蘇州藩司詳稱各屬灘洲田地除無坍漲之處按照上屆成案概免重丈靖江一縣據報亦無坍漲應免查辦惟有咸豐七年同治七年兩屆丈出埂划一萬三千餘畝尚未升科則應半課銀自應酌補但係

歸入漕田應行另案辦理外其餘江陰等處沙洲林立坍塌靡常漲則任意爭佔坍則延宕不報加以咸豐七年同治七年承買之案冊結迄未咨部應升者仍未起領入徵應諮者每以空糧貽累沙棍從而把持書差因之婪索控案迭出自弊叢生小民受累無窮悉心推究蓋緣按戶分造圖冊事繁費重各該縣未免畏難且須層層結轉尾咨稍有未符卽干駁請數數往回遂置高閣本屆查辦既分先後若待通案彙報更需時日是以議定辦成一縣先行造具簡明清冊咨部隨時升給以期取信於民前江陰武進寶山丹陽四縣各冊詳咨奉部奏明行查業經詳細咨覆又上海南匯二縣均有新漲灘地向未查辦隱匿甚多亦經委員往勘飭令一併召買繳價川沙廳橫沙地方孤懸海外前經議定該處為商船避風守潮之區亦為師船燂洗放哨之地永遠不准承買卽由漁戶佃種現在仍歸召佃以符原案惟令按畝上繳佃價並按年完納草惠俾免覬覦而絕爭端計自光緒六年三月起督令卽委各員先從江陰一縣辦起武進丹陽寶山次之丹徒常熟上海南匯川沙又次之將新漲各處履畝勘丈催繳價銀並查明圍築成田收有花息上兩屆承買未卽升科之地分別酌量補課一體給單執業過有坍塌勘明開豁歷年控案亦為訊斷開時兩載有餘先後據報完竣細加查核統共應升科灘地三十五萬五千一百四十二畝畧特重地七千二百八十六畝每年共應徵應增銀一萬七百八十八兩零內先已徵銀三千六十

七兩零坵沒地二萬四千七百七十五畝零共應給銀一千一百四十八兩零又未定案未開築地二萬五千八百九十四畝零應請暫緩升科共收存司庫田價佃價銀一十萬二千八百一十一兩零較之同治七年收數多至兩倍有奇因由沙民踴躍輸將亦由各印委催迫得力前項銀兩應行入撥造報至升徒常熟上海南匯四縣簡明清冊業經分案詳咨川沙屬係承佃之案毋庸查造應由司飭取頃畝科則圖形冊結分別照例詳辦並將出事出力各員詳請具奏給獎等情前來臣等伏查清理沙洲本非易易今屆自開辦以來該司員等督飭印委各員認真經理應升者升不致墮地以逃課應給者給不致空糧以貽累勘丈秉公則經界斯止積案了結則訟獄亦清並將應升課價及補課銀兩體察各處情形酌中議定分別等差嚴禁員董書差人等不許徇索分文即咸豐七年未定之案亦已造冊詳辦各沙民仰沐 皇仁從此咸沾樂利所有在事各員不無微勞足錄擬照前屆成案除出力稍次者由臣等酌獎外謹將尤為出力各員繕具清單敬呈 御覽合無仰懇 天恩俯准分別給獎以示鼓勵下部議奏

○乙丑諭前因雲南報銷一案迭諭雲南安徽各督撫將糧尊錄潘英章迅速解部候旨茲據裕祿奏稱糧尊錄並未到籍該員究竟逗遛何處抑係逕回雲南至潘英章亦未據該督撫奏報起解著雲貴總督雲南安徽巡撫及沿途直隸山東河南湖北湖南貴州各督撫迅速查明該二員無論行抵何處即行派

員解送來京不准稍涉遲延○丙寅左宗棠因病奏請開缺不允假三月調理○戊午徵給京師八旗及綠步各營官兵一月錢糧○諭巡視中城給事中國秀等奏請將入官房屋變價生息接濟公費一摺五城設局收買字紙經費不敷著照所請將此次查收倉匪張六入官房屋等項由五城御史公同估計變價發商生息以備收買字紙之用嗣後京城內外紙坊不准將字紙攙雜改造紙張並不准各鋪戶轉相傳聞各該地方官務當隨時認真稽查嚴行禁止○涂宗瀛奏湖北操防營兵滋事得旨著涂宗瀛等將實在情形查奏○己巳諭刑部奏請飭將要案人證迅速送部等語河南盜犯胡體浚臨刑呼冤一案前經諭令李鶴年將人證卷宗解交刑部研鞫現在尚未解到著該撫懷遵前旨派員妥速解部研鞫遲延○庚午裕祿奏皖省災務現辦工賑並籌款採辦米石以資接濟得旨知道了所籌工賑事宜著卹資成派出各員妥為辦理並准其動撥關稅銀四萬兩購運米石分撥各災區平糶接濟○辛未賞給通州王恕圖等處粥廠米石○張觀華奏風聞湖北省城內有撫標把總於本年九月十一日在錢鋪換銀與該鋪商人口角成訟江夏縣知縣一味袒護商人將把總斥責看押辦理乖方眾車鼓譟街市喧嘩督臣涂宗瀛年高恒怯神色倉皇呼親兵而不應撫臣彭祖賢焚香跪佛傳令箭緊閉城門以致民心搖動登時奔逃者甚多省垣乃扼要之地街面總宜肅清督撫有統領之權辦事尤當鎮靜如此竭誠

張臬地無法律其辦理不替咎無可辭該督撫既不能訓練於平日又不克彈壓於臨時其何以服兵心而保護一方耶京城傳言紛紛近聞業已撲滅而迄今二十餘日該省尚未入告意在週護處分暗中消化殊覺不成政體相應請 旨飭下兵部侍郎彭玉麟據實查明認真從嚴參辦以整軍威而安民隱

上諭軍機大臣等前據涂宗瀛奏湖北揀防營兵丁滋事當經諭令涂宗瀛等將實在情形查奏茲有人奏此案把總楊姓與錢鋪商人口角江夏縣知縣袒護商人以致眾軍鼓譟民心搖動涂宗瀛彭祖賢竭蹶張臬辦理不替請飭查參等語著彭玉麟將此次滋事及辦理各情確切查明據實具奏原片著鈔給閱看○諭阿那洪阿奏病難速痊請開差便世職一摺阿那洪阿著准其開去散秩大臣差使並世職公

母○張觀準奏兩淮行鹽六省地方遼闊如湖北之荆襄一帶則有潞鹽之私江西之南贛一帶則有粵鹽之私他若河南之蘆私安徽之浙私皆由各省越境偷漏占礙准綱其害不獨在粵販此准鹽受病之處而推求病根實因視成法為具文久之遂渙散而不能收拾誠非區區補偏救敝所能轉機也必有以杜僥漁之漸而清套墊之源使射利者無可藉端欠課者無從藉口則弊去其大甚法貴乎必行庶鹽政日清久之自見成效謹就管見所及備擬六條伏候 聖裁一裁選商總也淮南設有總商原以籌辦通綱公事趕課滾總為衆商表率近則公事飭議罔應錢糧滾總不前惟辦公之項按月分發領辦任意冒

開每年於定額外仍以不敷名目溢領數十萬不等且有運鹽無幾濫充總商藉以營私棧利官局把持
應請於現在各商內擇公正純謹行鹽最久者數人作為辦事之商遇有公事飭令核議經手至辦公一
項悉照減定額數指款請領不准冒濫再立總商名目永杜弊端一酌核帶銷也幸已綱引尚未開綱行
運而庚辰仍有未完綱引今年壬午即應開綱斷不能以一年而行三綱之引若轉展敷衍徒存虛名課
仍無著且庫項解支各款又復轉轉搭必至仍前挪移交銷難以核實應請於本年正月即開本綱所
有前數年未行之綱引未完之積引隨綱帶銷另款存庫撥解俟將來辦有效驗過暢銷提綱之時仍將
未完前引補銷以待原額一宜恤恤丁也鹽戶煎丁瀕河窮民最為艱苦宜加體恤查收鹽補辦秤本有
定制近來場商每以大桶重秤任意浮收勒致鹽戶以交官鹽為累而樂於透私應請嗣後由運司衙
門驗烙桶秤頒發不准私製毋許場商再有前項情弊責成場官隨時稽查仍嚴督鹽丁按埤鐵以編保
印復火伏以稽額煎俾清場私之源再提批驗所各秤一律較准烙發飭令認真秤驗並於運河之要道
運司親到抽秤如有格外重斤即將秤驗各官參撤一慎重出納也商課入庫向來不分正雜能統動支
迨遇緊餉應解百計挪湊因有預納減納貼色貼息及印本抵課等弊庫款之輕糜虧耗一空皆由於此
嗣後永禁前項名目將正項庫存專候部撥及應解正款其餘雜費另存外庫不許將正款挪墊更不許

商人干預庫項以免朦混一整飭紀綱也鹽務各員志在溫飽從無甄別不遵體制或與商人聯姻換帖或同商人夥本行鹽最為劣習嗣後有似此者應令呈請迴避如有含混一經查覺卽行撤參其各場分司大使應照外州縣之例察查人地隨時調換至淮南北皆設有督銷局總辦幫辦各名目藉端漁利挾制運司皆督撫之私人宜一概裁撤不得以監司大員充當此差各省鹽道督銷功過請歸兼轄鹽政之總督衙門秉公考核以專責成而正綱紀一刪減繁文也領運例有呈請加三項名目又有不上去入四處截角名目其餘珠單皮票梔封等名目甚多不可殫述以致運司書更多至十九房商人辦運請文書輾轉至十一次之繁經鹽務大小衙門十數處節節稽查而並無稽查之實徒爲需索陋規之具應交運司悉心查覆可刪者可併者必併以速商運而免遲滯纏隔之弊以上各條詳審形勢揆度商情力爲裕民剔弊起見相應請 旨飭下戶部核議妥協轉飭兩江督 臣認真整頓妥立條規無惑於浮言無偏執私見則鹽務庶有起色矣李映泰 臣前奏淮南鹽法維持一摺已經核議施行仰見 聖慮淵微部 臣洞如觀火曷勝欽悚而 臣復有請者淮北與淮南事同一律督 臣左宗棠奏稱商人厚德昌等請增復准北十六萬三千八百引現繳銀三十二萬六千三十六兩已札發鹽運司專咨報部存案如 臣聞准北向章百引爲一號每號票價值銀四百餘兩今據厚德昌等所繳每票僅合銀二百兩較之尙商票價

實不及半且向日奏銷期限八閏月兩年計運三綱今展奏銷爲一年則兩年僅運兩綱而實在能否依限銷竣尙未可知是名爲增引實未增課也臣愚以爲今日折衷之計惟有酌價減引期於並行不悖准北引費應接舊商票價每號作銀四百兩就厚德昌等現繳三十二萬餘兩之數計之僅可新增八萬餘引其餘應令劃銷誠照此核定既不致於銷綱大有窒礙亦與淮南辦理畫一應請 旨申諭部臣妥議俾臻允協又奏 臣前奏請撤銷皖岸新加引票一節經部議覆應令左宗棠體察情形辦理嗣讀邸鈔左宗棠奏稱伊厚望等八商請增復皖岸四萬二千八百五十引現繳銀三十五萬七千一百六十兩是其勢有難如 臣所請概行撤銷矣願 臣聞皖岸歲七萬二千引歷年以來銷數並未及額其不爲暢旺確有明徵若遽增四萬二千餘引之多輪銷太滯必致新舊俱疲部議所云過驟之虞誠恐不免且舊商票價每票向值四千餘金此次左宗棠原批定每引銀三十兩每一票一百二十引計合銀三千六百兩與舊商票價尙不甚懸殊旋據商呈准予遞減其爲好人朦蔽顯而共見 臣愚竊謂皖岸情形與楚岸同卽勉強增引而伊厚望等所繳三十五萬餘兩應按左宗棠原批票費三千六百兩之數綜而計之准新加一萬二千引如此量予轉旋於銷綱或無大窒礙於新舊亦弗慮偏枯如新商果嫌利輕微仍請勒令辦商認領以徵平準 臣以左宗棠之虛衷體察部 臣之加意維持用敢續陳以備 採擇合併請 旨飭議施

行 上諭給事中張觀準奏兩淮鹽務疲敝請釐定條款御史李暎奏淮北增引宜加詳審及臨岸增引
量予轉旋各摺片著戶部議奏○諭前據御史陳啟泰奏湖南勸辦鳳凰江華縣苗猪各匪保案疆臣
查奏欺飾並參道員徐淦知府周幹貧劣各款當諭令卞寶第確查具奏茲據奏稱鳳凰江華苗猪起畔非
由同知江肇成用刑枉濫所致亦非但湘江架詞朦朧江華猪匪搆衅聚於署知縣胡鳴薦成於署知縣
楊國華業經先後參革至保獎各員為數太多已經徐宗濂大加核減該御史此次所參濫獎各員多半
在徐宗濂核減之內王業與王永籍以不同年歲相等實非王永章之子李必昌之子李瑞清業由徐宗
濂查明刪汰周幹前署永州府任內辦理案件尚無不合等語此案既據逐款查明卽著毋庸議徐淦
雖查無庸置產業開設寶典等情惟因馮佐臣借貸銀兩輒以欠租抵用實屬不知違嫌道員用候補知
府徐淦著交部議處○甲戌諭馮舉驥奏道員不能勝任等語陝西延榆綏道佛爾恭頌識見庸闇遇事
疑惑難勝邊陲要缺著開缺送部引見○乙亥以潘蔚為江西巡撫○左宗棠奏 上於光緒八年九月初
二日批准軍機大臣字寄八月二十四日奉 上諭有人奏疆吏昏庸渾職請旨查辦一摺著左宗棠確
切查明據實具奏原摺著鈔給閱看等因欽此 上當卽遵派隨員吳錫宸等前往江西逐款密查茲據查
明開摺覆覆前來 上遂加察核證以平日聞見大略相同請據實為我 皇太后 皇上陳之原奏信用

私人一欵查候補道喬廷樾與該撫本係山陝同鄉喬廷樾因有採辦木植之差在贛趁便搭本從中販賣獲利意在藉公營私其與籍紳結婚無非爲求攀援起見又於省城盜買本奠城等處房屋且丁憂服闋復捐指原省不數年間兩著鹽道繁務人言山貨緣而得撫臣亦無以自解至搭買木植營利謂撫臣亦有股份則無確據可指候補知府王之藩辦理湖口益局以苛急致招怨讟尙無營私肥己情弊比較往常營金收數尙旺撫臣念其公事出色雖物議沸騰僅予撤委免其深究並非袒護此查喬廷樾王之藩被參各欵之實在情形也頃奏倚任劣幕一欵查高隆謙歷在撫署二十餘年迄未更換高隆謙本其堂弟並非捏換父名江宗夏係本鎮武軍營官曾著戰功高隆謙於撫臣前加意揄揚因此得充統領事誠有之至謂由重金賄託致然查無確據知縣孟慶雲係高隆謙之親戚在豐城任內虧空知縣王懋賢又係孟慶雲之親戚情願墊銀八千兩尙係前後任自願通融辦理非由高隆謙指使惟江西刑錢幕友大半籍隸浙紹高隆謙以撫署舊幕廣爲推薦以故謀館託薦者紛紛積久則各處幕友多其徒黨賄相勾結而憲幕聲勢日張致更事因循廢弛難於振作高隆謙又不知避嫌於省城廣置房屋以故官場指爲樞幕議論益多此又高隆謙等被參各欵之實在情形也原摺所參撫臣劣欵以買妾一事爲最甚查該撫先後買妾一人一係陶姓之女入署後詰知身家不清旋即退回勒追原價追價不得經首縣贈繳

銀三百兩寢事七年三月間布經歷楊震清引買新建熊姓一女因而涉訟嗣用銀和息寢事楊震清適得署貴溪縣缺人言沸騰卽由乎此至該撫臣移建之倉厥現尙貯穀尙非不適於用江西徵收漕糧向有三限加罰章程自胡家玉奏請查辦後舊規全廢徵收日漸疲玩尙非該撫督辦之無方也若伐蛟一事無人請求亦不自今日始而堤堰照常辦理尙非概從廢弛此又查明該撫臣被參各款之實在情形也就臣所查者酌加議擬撫臣李文敏年近七十精力就衰且素患痰氣遇事乍明乍昧用人行政一切事宜被人朦惑竄所不免原奏所參各節細加訪察均屬有因不敢爲之掩匿應請 旨飭令解任回籍以免貽誤地方布政使銜署江西鹽法道候補道喬廷樞由捐納佐貳府保道員嗜利鑽營行同市僧江西布經歷楊震清諂附逢迎有玷仕籍應請 旨一併革職以示懲儆高隆謙以憲君高自位置廣薦徒黨徧布州縣以通聲氣旗置房產雖查無得賄實據而指摘壞集跡近把持若令盤踞撫署吏治無由振興應卽勒令回籍不准逗遛江西知縣流慶雲高隆謙官聲中平查無實在劣跡應請停委查看江宗良查無鑽營賄託實據王懋賢墊銀八千兩係屬後任自願賄墊且已病故候補知府王之藩辦理釐局一意剔除積弊進款有增而刻核太甚致招物議業經撤委應與繆德榮等俱無庸議至該撫臣賈妾案內原奏所稱幕友楊姓舉人漆逢原等或因事牽涉或出爲調停查明並無別故應與已故之熊姓等均無

庸置議 上諭前據詹事府少詹事周德潤奏參江西巡撫李文敏昏庸濶職信用私人劣弊等款當諭令左宗棠確查茲據該督詳細查明具奏所參各節或查無確據或事屬有因李文敏精力就衰受人朦惑著以原品休致署江西鹽法道候補道奇廷樞嗜利鑽營行同市儈布政司經歷楊震清附逢迎有玷仕籍著一併革職撫署幕友高隆謙著勒令回籍不准逗留知縣孟慶雲高隆謙官聲中不查無實在劣跡均著停委查有餘著照所議辦理○諭寶琴靈桂廣壽奏 聖訓詳校完竣請將出力各員保奏等語 穆宗毅皇帝 聖訓現經武英殿刷印正本十一分該大臣等督率在事人員詳細恭校一律完竣所有出力各員著寶琴等擇尤酌保候旨施恩○諭王文韶奏懇請開缺養親一摺王文韶之母雖年逾八旬精神尚健且迎養在京該侍郎亦可就近侍奉王文韶著毋庸開缺假滿後仍遵前旨照常入直○劉錦棠奏新疆軍餉請飭各省關迅籌接濟得 旨戶部速議具奏○劉錦棠奏請將應協金順張曜兩營軍餉趕緊籌解得 旨著戶部查明應協金順張曜軍餉省分僅令趕緊籌解毋庸延誤○丁丑李鴻章奏 風聞本年八月間湖北江夏縣知縣蔡炳榮擅杖省城之撫標把總楊德魁以致軍心渙散道路不平固由蔡炳榮暴虐無狀抑亦督 臣徐宗瀛有以啟之也聞擅責之由因把總楊德魁在同昌利錢店換銀該鋪任意壓平互相口角原細故也乃蔡炳榮道過其門不問是非即將楊德魁當街擅杖旋復懲

恩撫標參將焦克勝將楊德魁撤任於是衆論譁然九月初間蔡炳榮道過營門兵民考與蔡炳榮爭鬧涂宗瀛卽札飭督標副將鳳昌候補道卞翼查訪滋事弁兵勒令焦克勝交出兵丁四名非刑拷打復將焦克勝撤任已屬操切乃忽於十八日夜將把總楊德魁及兵丁四名綑綁擬於督署轅門外梟首示衆衆兵聞之拚命搶救圍署鼓噪以致滿城居民紛紛遷徙若非城外援兵趕到幾至變生不測經在省司道先後趕赴督轅力爲開導始各歸營設使將楊德魁及兵丁等梟首大局豈堪設想嗣聞涂宗瀛與撫臣商議出示有不與營兵相涉之語惟涂宗瀛以兼圻大員事前既剛愎自用辦理操切事後又不將蔡炳榮撤任敷衍了事咎實難辭此後何以治兵何以察吏且督撫兩標軍心不向豈能歸其節制設有外患又誰聽其調遣耶臣維此案滋事弁兵一面從嚴究辦知縣蔡炳榮亦應撤任治以應得之罪現聞省城居民惶恐一夕數驚幾有不能終日之勢可否就近飭下前兵部侍郎臣彭玉麟迅速據實查辦庶可以杜後患而固人心上諭軍機大臣等前因有人奏湖北營兵滋事情形當諭令彭玉麟確查具奏茲又有人奏此次滋事由江夏縣知縣蔡炳榮肆虐所致涂宗瀛事前既剛愎自用辦理操切事後又不將蔡炳榮撤任敷衍了事請飭查辦等語著彭玉麟歸入前奏一併查明據實具奏原摺著鈔給閱看○予故前甘涼道李鶴章在合肥縣建祠○諭前據王文韶奏懇請開缺養親當諭令毋庸開缺照

常入直茲復據奏瀝陳下情一摺覽其所奏各情本應俯如所請惟現在軍機處及總理各國事務衙門辦事需人王文韶尙稱熟悉仍遵前旨於假滿後照常入直毋庸請○諭都察院奏據呈請卹一摺劉文會等殺賊陣亡情殊可憫著交部議卹○前任刑部尙書榮春榮卒賜卹如何賞其孫附生案主事刑部員外郎寶瑯中○已卯子兵丁等應卹庫銀展限兩月○榮毓柱奏 裕陵禮部庫內被竊祭器擬請飭下內務府補造下該衙門議奏○庚辰以恩光爲伯都訥副都統○巴里坤領隊大臣沙克都林札布與俄國分界大臣在喀城會議定喀什噶爾東北界約四條成○景壽因病奏請開去差使不允子假兩月○飭部查明殉難監生張開運附生曹廷璋並曹廷璋之妻金氏妾王氏及子女僕婢等優卹旌表○諭御史光熙奏請旌表孝行等語監生葉家鑑著該部查明旌表○額勒和布奏委員會查圍界均無侵礙報聞○壬午諭御史載彰奏旗營領餉請飭明定章程以杜弊端一摺著該衙門議奏○諭前因雲南報銷一案迭諭雲南安徽及沿途各省督撫將存存存潘英章迅速解部候訊茲據衛榮光奏稱存尊慈家丁呈稱該員在江蘇丹徒縣途次病故迨至一月呈報情有可疑等語著安徽江蘇各巡撫確切查明該員是否實係病故卽行具奏至潘英章一員前據岑毓英等奏稱尚未回滇該員籍隸湖南著湖南巡撫及沿途各督撫仍遵前旨查明該員現在何處迅卽派員解送來京毋稍遲延

臣朱壽朋敬編

臣汪錫增恭校

十一月癸未朔麟書等奏據王敬臣供稱潘英章用出之票記有百川通票號商人閻正卿曾經攜票到鋪取銀當將閻正卿傳訊據供伊號與周瑞清交往上年九月間周瑞清將天順祥銀票給伊取銀仍換伊號銀票使用等語查此案先經傳訊周瑞清家丁譚升據供確係潘英章到京均與伊家主彼此往拜現在潘英章用出之票內有該員交閻正卿取銀一欸即係通賄有據未便仍候潘英章到案再行查辦惟係三品大員例不許擅自拘問相應請旨將解任太常寺卿周瑞清暫行革職以便傳案質訊

上諭麟書潘祖蔭奏要案牽涉司員請旨解任等語一摺據稱雲南報銷一案訊據天順祥商人王敬臣供六月間有戶部雲南司司官孫姓攜潘英章用出銀票至伊鋪照過是否即係戶部雲南司主稿之孫家穆應確切根究等語戶部主稿之孫家穆著先行解任傳案質訊另片奏傳訊百川通商人閻正卿供稱上年九月間周瑞清將天順祥銀票給伊取銀換票等語太常寺卿周瑞清著暫行革職歸案審訊○甲申頒給河神金龍四大王廟貞應祠匾額○丁亥諭前據王文韶兩次奏懇開缺養親未允所

請本日召見軍機大臣王文韶再三陳請情詞懇摯出於至誠王文韶著准其開缺回籍養親俾遂孝思
○命翁同龢在軍機大臣上行走○諭世鐸著加恩在御前大臣上學習行走○召謙福來京○戊子以
吉和爲察哈爾都統○諭禮親王世鐸著與伯彥訥謨帖一同在毓慶宮行走○諭恭親王奏久病未痊
懇請續假一摺覽奏殊深廕系恭親王著安心調理不必拘定假期一俟痊愈卽行入直所管正白旗滿
洲都統及各處印鑰均著毋庸派署○命潘祖蔭在軍機大臣上行走○調許應鑾爲戶部左侍郎以黃
體芳爲兵部左侍郎○諭昨日降旨命翁同龢在軍機大臣上行走茲據奏稱軍機處總閱幾事才弗勝
任現在入直毓慶宮若兼任要差實恐貽誤懇請收回成命等語覽奏具見惻忱翁同龢經朝廷特簡惟
當體念時艱力圖報稱著遵旨卽行入直毋庸固辭○己丑諭丁寶楨奏請頒發等語四川省城北關
外有昭覺寺供奉釋迦佛康熙乾隆年間曾經 欽頒匾額經卷茲據該督奏請卽著南書房翰林恭書
匾額一方交丁寶楨祇領敬謹懸挂○辛卯予故狼山鎮總兵王吉事蹟交國史館立傳○癸巳諭都察
院左副都御史著張佩綸署理○召方大湜來京以易佩紳爲山西布政使曾紀鳳爲貴州按察使○諭
御史陳啟泰奏參多員衰庸濫職一摺內閣學士王之翰著以原品休致○諭各省直省辦理秋審人犯經
刑部由緩決改情實者上年奉天省多至六起湖廣河南兩省均多至五起本年四川省多至十三起奉

天省多至十起直隸省多至十一起該將軍府尹督撫並臬司於秋讞重犯未能詳審核議均咨交部查明分別議處本年八月業經降旨嚴行申諭嗣後各將軍府尹督撫等務當督同所屬遵照定例酌核案情悉心究擬固不可失之刻覈亦不可感於救生不救死之說甚至規避失入處分故從輕減總期執法持平無枉無縱用副慎刑至意將此通諭知之○諭畢道遠邵亨豫等奏本科武鄉試中額不符自行檢舉各一摺此次順天武鄉試漏未取中加廣中額一名畢道遠邵亨豫等奏本科武鄉試中額不符宜何如感激圖報勉勵清操乃服官以來專以封殖經營為務揚州上海暨安徽本籍貿易產業甚多江甯藩庫尚存銀十六萬兩交藩司梁盛煌為其經營如果持躬廉潔何至飽蓄私囊自非剝取民膏即係侵漁 國帑調任湘撫表建毫無常德岳州瀟湖一帶蘆葦未靖風鶴時聞偶有謠傳驚疑變色保甲緝捕諸務並不督率認真辦理惟事繕修牆垣調勇自衛紳民人等莫不俾為笑談平日虐役營兵正月初二日撫標聚眾多人拆毀中軍衙署幾釀巨變事後並不敢拿辦一人敷衍完案擢任鄂督收受川鹽陋規歲計十餘萬兩武營局相率效尤緝私幾同虛設新隄稅關亦仍蹈李瀚章之覆轍全不以 國計為心秋間兵變情形較湘省為重該督倉皇失措威令不行首將容屬私送過江以致民心驚惶逃亡

失業奏章動多捏飾實情皆適於 上聞似此欺罔貪相辜 恩誤國又妄竄其表率倂屬整飭地方若

任久玷封圻貽誤不知胡底相應請 旨飭查立予罷斥以重疆圉而肅紀綱 上諭軍機大臣等前因

有人奏湖北營兵滋事一案疊經諭令彭玉麟確查具奏茲又有人奏涂宗瀛專以封殖為務揚州上海

暨安徽本籍貿易產業甚多江甯藩庫存銀十六萬兩交藩司梁華煌經營其在湘撫任內於保甲緝捕

並不認真辦理惟事調乃自衛正月初二日撫標聚眾拆毀中軍衙署亦不拿辦一人敷衍完案及任湖

廣總督收受川鹽陋規新隄關稅仍蹈舊習秋間鄂省兵變該督首將眷屬私送過江以致民心驚惶等

語著彭玉麟按照所參各節即入前奏一併確查據實具奏原片著鈔給閱看○甲午諭詹事府右庶子

張佩綸奏請收回成命另行簡員著理都察院左副都御史一摺張佩綸著仍遵前旨著理所請應毋庸

議○乙未冬至節大祀 天於 闕丘命世鐸恭代行禮○上詣 壽皇殿行禮○丙申諭軍機大臣等

崇綸松林奏朝鮮貿易宜嚴定限制嗣後有關奏省事宜與該國王如何會商應咨照將軍府尹公同斟酌

酌再行定議飭即妥議會奏○李鴻章奏竊 臣於光緒六年八月奏請由天津陸路循運河至鎮江上海

設立陸線電報籌款墊辦俟辦成後擇公正商董招股集資接辦並設電報學堂教習生徒自行經理是

年八月十四日奉 上諭現在籌辦防務南北洋必須消息靈通以期無誤事機該大臣請於陸路由天

津至鎮江遠上海安甯電線係爲因時制宜起見卽著妥爲籌辦並著江蘇山東各督撫飭令地方官一體照料保護勿任損壞餘著照所議辦理可也欽此仰見 朝廷主持要政裨益軍謀之至意欽服莫名當經督飭前津海關道鄒藻如候補道盛宣懷劉含芳等妥議章程與丹國大北電報公司商立合同代爲購料僱人查勘設線道路以資熟手指導自七年五月初興工至十月底工竣中外消息瞬息可通仍照奏案招集商股自八年三月初歸商接辦由官督查臣仍籌貼每年沿途弁兵巡費一萬一千兩以示體卹五年後如電資有餘再行截止夏間朝鮮內變急調南北水陸各軍實賴電報靈捷其赴機之速爲從來所未有卽總理衙門與 臣密商出洋各使臣及南省要務莫不旋至立應成效已灼然共見 臣與總理衙門往返兩商惟有勸集華商先行接辦由滬至粵沿海各口陸線以保中國自主之權京外籌商軍國要事調兵催餉亦得一氣靈通於洋務防務實有裨益而商民之轉輸貿易者亦藉電報速達利益更廣因飭津滬電報局委員盛宣懷等傳集眾商妥晰會議據盛宣懷會同各員董聯銜馳稟擬請自蘇州浙江福建通商各海口以達廣東與現在粵商所辦陸線相接計將六千里照津滬陸線成本工費核算約須銀四十餘萬兩而沿途分設局棧籌辦實屬不易惟欲收我中國自主之權利必當竭力籌維勸集巨資次第開辦以圖報効之忱公議章程十條呈請察核並請援案奏明請 旨飭下蘇浙閩粵各督撫

轉行經過地方官一體照料保護等情前來臣查核所議章程尙屬周妥謹照鈔恭呈 御覽當此中外
交涉之際必須激勵衆商策羣力共圖其成雖浙閩粵各省道里較遠民情不一而同治十三年沈葆
楨奏請在閩境興辦電線速報業蒙 恩准因循未竟粵兩廣督臣曾國荃等現飭粵商興辦陸線
業有成局可知風氣漸開南中官民皆知電報爲有益軍國商旅之事況自津滬二千數百里陸線成
後沿途毫無擾累各省必有風聞擬請 飭下江蘇浙江福建廣東各督撫臣轉飭經過地方官妥爲勸
諭隨事照料保護勿使稍有阻撓損壞以期事在必成有裨大局並將華商公議接辦蘇浙閩粵陸路電
線章程十條照繕清單恭呈 御覽一道里宜先約計也查自江蘇省蘇州府經浙江省之湖州嘉興杭
州紹興甯波台州温州等府福建省之福州興化泉州漳州等府廣東省之潮州惠州二府以遠廣
東省城廣州府約共五千六百五十里內自温州以迄廣州似可按沿海州縣驛站設線杭嘉湖三府絲
商碼頭必得繞由經過以順商情甯波至温州沿海山路荒僻或應繞道嚴州衢州或繞道金華處州俟
奉奏准卽當請派專員督率洋總管分路查勘繪圖計里屆時再請咨行查照一經實宜先酌核也查津
滬電線三千計動支經費十八萬兩現計自蘇至粵道里加倍約需經費四十萬兩應設分局分棧恐
尙不止加倍經費必須查籌查電局收支款目皆係洋欸現擬併連津滬電線通集華商股本英洋八十

萬元即以一百元爲一股由局刊發股票給執惟招股必宜先儘舊商如舊商無力再聽新商入股一巡
費宜請津貼也津巡線經費每年一萬餘兩係奉批准五年之內由軍餉開支現在浙閩粵三省巡費
每年約需湘平銀二萬兩應請奏准由官津貼移交職局轉給以重巡護而紓商力一學生宜請添習也
津電局接報學生皆由天津學堂隨時撥用倘學堂即行停止則浙閩粵等局學生無從調撥擬請展
限一年除現有學生趕緊教習外再招講習英文學生四五十名一體教習約於來年年底即予撥歸職
局派用在學堂所費無多而人才庶可敷用至測量學生前於出洋學生二十名內挑出八名交職局洋
總管教習有效應請再選八名發交職局教習以備各分局總管報房之選一查路宜選能員也津滬設
線係分南北兩路派員兩人會同各省文武地方官按電線所經之地計里分段先將巡兵逐段派定並
曉諭民人一體知曉庶設線到境不致阻礙耽延此次仍應稟請選派能員分赴各省會同地方官查照
辦理一監工宜派大員也查津滬設線南北兩路均派大員一人監工此次仍應稟請選派大員督率洋
匠人等分頭辦理並須請咨浙閩粵三省各派委員會同照料以免貽誤一開工宜資熟手也前次南路
工程所調銘軍二百名勤捷過於民夫此次開工擬請仍調從前銘軍熟手二百名赴工仍由職局酌撥
費項以收事半功倍之效一巡守宜立勸懲也查津滬電線沿途設立巡電房責成綠營汛兵看守各汛

弁由局各給馬乾口糧並另分段梭巡均有專責此次設線自應援案咨請督飭巡護遇有貽誤損壞由局隨時稟請核辦一官報宜仍舊章由軍機大臣總理衙門各督撫將軍衙門出使各國大臣互相往來洋務軍務電報仍照章作頭等報信仍存記按年彙報以抵官貼之款俟扣畢別無應還官項則前項官報毋庸給費以盡報効之忱其代轉洋商公司電報仍照給信費轉發一材料宜請免稅也電桿應用木料甚多似須各就近處採辦應請援案免納稅釐至於電線電器進出各口擬准隨時咨請關道免納正子各稅得 旨准行○戊戌任道鎔奏桃園堵口大工現計物料漸集擇日進占上緊趕辦得

旨覽奏均悉著即督飭在工各員妥速辦理逾期合龍俾災民早紓疾苦以慰愷系○己亥麟書潘祖蔭奏等查辦雲南報銷一案於光緒八年十一月初一日奏奉 諭旨將解任太常寺卿周瑞清暫行革職戶部主事孫家穆解任等因在案當即咨行各該衙門將周瑞清孫家穆傳送到部分別收禁看管等督飭司員詳加研訊據孫家穆呈遞親供內稱今年二月間有同司主事龍繼棟言及雲南銷冊將到向來均有奏銷飯銀自軍興後改為公費貼補司中辦公有人託他轉求照料伊曾吩咐書吏冊子到時詳細核算所有一切公費均由外邊來人辦理求傳到龍姓自知分曉等語究竟此項交給何人該司如何分用未據詳細供明亟應澈底根究除片行戶部將主事龍繼棟傳問外相應請 旨將戶部主事孫

家穆先行革職以便審訊雲南永昌府知府潘英章賄辦報銷查有證據迭經催提延不到案應請 旨將潘英章卽行革職並請 飭下該管督撫及該員原籍湖南巡撫一體嚴拿迅卽歸案審辦無任脫逃再 等正在繕摺具奏聞准戶部將主事龍繼棟傳送到案請以如何囑託孫家穆辦理報銷各情堅不承認非提同孫家穆質訊不能研取確供惟係現任部員應請 旨將戶部主事龍繼棟先行解任聽候傳質理合附片具奏請 旨 上諭麟書潘祖蔭奏查辦雲南報銷一案請將孫家穆革職審訊潘英章革職嚴拿並戶部主事龍繼棟解任傳質各摺片戶部主事孫家穆著先行革職審訊雲南永昌府知府潘英章迭經催提延不到案著卽行革職並著雲南督撫及該員原籍湖南巡撫沿途各督撫一體嚴拿送部歸案審訊毋稍延延戶部主事龍繼棟著先行解任聽候傳質○庚子以桃園決口合龍獎敘任道銘等有差○諭兵部奏查辦軍營廢員開單請旨一摺上年五月間恭上 孝貞顯皇后尊諡特頒恩詔將各省軍流以下人犯減等發落茲據兵部查明軍營廢員分別請旨自應酌量辦理其未經查明下落之蘇錦堂未經咨報起解之宣維禮許如龍周星詒並在途在營在籍在配脫逃未獲之汪殿元周策勳綿成曾昭仕解魁元李正鈞許懷清德馨許志耀李英邊得勝賀永銘王勳春慶王得勝宮昌李明哲張九圓里善黎定黎邱瑞祥李振海張名方譚飛騰畢蘭生興福周啟昌勝頤國榮陸杜振元成福張錦堂

杜光凱等均毋庸查辦外其福敬之曾紹勳托善倭興頌雙喜廖洪財祿全德明李樹聖均著加恩釋回全保張潤志文廖得勝均著加恩減免一年周飛熊常春均著加恩減免二年王輔清著加恩減免三年沈仕元黃得桂董家祥均著加恩減免四年屆期卽行釋回以示朕法外施恩至意餘依議單二件併發○辛丑張樹鑿奏深州等處地震查辦撫卹得旨據奏被災情形殊深憫惻卽著該督督飭令卹委各員分別妥籌撫卹毋任一夫失所○諭繼格游百川奏全漕告竣請將出力員弁獎勵並將縣丞周維藩改獎各摺片本年江蘇浙江海運山東江北河運漕白糧米及奉天額運米豆湖北採辦漕糧先後抵通經繼格等督率坐糧廳等驗收完竣辦理均無貽誤繼格游百川並前署倉場侍郎錫珍均著交部議敘所保出力及改獎各員著該部議奏○以甯昌奏開直隸深州一帶數百里內於十月二十二二十三二十五二十八等日屢次地震有聲官廡城垣均有損壞民房坍塌無數並壓斃人口若干朝廷軫念民依遇有水旱偏災無不立予恩施此次深州等處地震至於毀屋傷人小民無所棲止支席爲屋當此嚴寒之際凍餒情形實堪憫惻相應請旨飭下直隸總督查明被災地方分別賑撫以恤災黎抑重吏有請者災異之說漢儒推衍五行每以人事感召爲言臣不敢妄言其數然揆之於理亦實有可信者白軍興以來屢被災祲民氣未復雖迭奉諭旨飭內外臣工咸修厥職而奉行故事者多實心任事者少

比年以來吏治弛廢各直省如出一轍而直隸尤甚災異之見未必不由於此著直隸總督張樹聲久任封圻其督飭屬吏頗極嚴明而直隸吏治仍無起色應請旨飭下該督嚴察所屬分別賢否示以勸懲不准仍蹈前習並請諭各直省督撫同深警惕力整因循則吏治既修民氣日復災異自無由而生矣

上諭御史賈毓昌奏地震成災請旨飭查撫郵並請因災儆戒整頓吏治一摺本年十月間直隸深州等處地震官廨城垣間有損壞民房坍塌甚多並有壓斃人口昨據張樹聲具奏當經諭令督飭屬員妥籌撫卹該督務當確查被災情形認真辦理俾災黎均沾實惠毋任一夫失所近來災異迭見上茲示警深宮修省兢惕實深爾中外臣工各宜懷遵迭次諭旨殫心職業實事求是力戒因循積習毋得稍有怠玩視誥誠爲具文民生休戚係乎吏治各直省督撫當破除情面實力整頓分別賢否示以勸懲務期政事休明閭閻安輯用副過災修省勤求治理至意○癸卯閩敬銘奏雲南報銷一案駭人聽聞自維昏憊輔恐部務紛紜力難稽察竊違 闕二十五年還京半載前事莫悉徧探人言始知戶部風氣頹下官方湯檢數人爲最非伊朝夕如主事孫家穆其屈拙無能者也其已經身故者又聲名惡劣不堪人言未盡一律者姑勿刻論惟現任廣東布政使姚觀元湖北荆宜施道董翰翰湖北候補道員楊鴻典之二人者輩推其十餘年前先後爲戶部司員納賄營私假公罔利把持詐騙貪贖墨汗跡其所爲亦奸胥輩儼

之尤臣請交朝士無多初晤偶見之人衆曰同聲凡卿士大夫實僚紳宦曠曠一辭甚至商賈亦或議及
亦無從詰以所指何事所納何賄而聲名狼藉議沸騰不惟臣中年在部未之前聞卽視現在孫家
穆之事有甚之又甚者使僅左右之官可勿速聽若乃國人通稱未可概置卽謂二三妬忌蓋語羣爲附
會刺說又何以歷十餘年之久衆論不息實無以爲諸人解也夫苞苴賄賂莫明往事尤難根究臣亦不
知其現時居官若何而外則表率屬員內則關係部習似此久著賔劣難謂既往不咎臣與姚覲元楊鴻
典會經識面不意其敗名若此既公論之效同卽官箴之難宥可否請旨將廣東布政使姚覲元湖北
荆宜施道董鶴翰湖北候補道員楊鴻典等三員一併罷黜臣不准其潛來京師居住免致勾結包攬誘
壞仕風臣職非糾彈而忝領度支此之不効無以肅部務而儆官邪此後臣部司員若有劣名昭著仍當
隨時查參上諭閣倣錄奏參監司大員前任戶部司官聲名賔劣議沸騰請旨罷斥並不准其來京
居住一摺廣東布政使姚覲元湖北荆宜施道董鶴翰湖北候補道楊鴻典均著革職卽行回籍○麟書
潘祖蔭奏臣等查辦雲南報銷一案於光緒八年十一月十六日奏奉諭旨將戶部主事孫家穆永昌
府知府潘英章革職戶部主事龍繼棟解任等因在案當將孫家穆監禁並由戶部將龍繼棟傳送到部
暫行看管仍舊飭司員詳加訊問擬龍繼棟呈遞親供內稱雲南報銷一案曾與周瑞清託孫家穆照料

並有御史李郁華一同幫說等語。臣等查天順祥起出信簿內所述雲南報銷各情，有前科主試李刻在念標質訊王敬臣供稱李姓卽李郁華，且潘英章用出銀票曾經該御史到鋪取用，顯有同辦報銷實據。而應傳案研究，惟該員職司風憲，例不許擅自句問相應請旨將該御史李郁華先行解任，以便傳質。

上諭麟書潘祖蔭奏查辦雲南報銷一案牽涉百官請旨解任質訊一摺。御史李郁華先行解任聽候傳質。○乙巳以剛毅爲廣東布政使調松榕爲直隸按察使以奎斌爲山西按察使。○戈靖奏請外任選缺量撥三四項專歸內選下部議奏。○英俊奏外任起服人員請量予疏通及時自効下部議奏。○烏拉嵩崇阿等奏十一月二十一日奉 上諭麟書潘祖蔭奏查辦雲南報銷一案牽涉百官請旨解任質訊一摺。御史李郁華著先行解任聽候傳質。欽此。臣等伏查都察院非他衙門可比，言官職在糾彈易招嫌怨，如果犯供肆口牽連，麟書潘祖蔭當不肯率奏輕傳。臣等若共信其無他，亦必代爲剖明以存風憲。體制惟該御史李郁華爲人平日劣蹟尙未昭著，近聞其頗嗜賭博，不擇交游。臣等因無確證未敢遽行糾參，今以此案之牽涉證諸臣等之風聞，其爲有玷官箴不勝言路可知。臣等公同商酌以爲案情虛實理應靜聽。欽派大臣審訊非臣等所敢干預，但李郁華不自檢束被此聲名，卽此案全虛亦難再辱臺班仍躋清要相應請旨將河南道監察御史李郁華卽行革職以儆官邪而重言路。再臣佩綸署任甫

及十日因平時早有風聞是以一併列銜合併聲明 上諭前因雲南報銷一案牽涉言官降旨將御史

李郁華解任傳賢茲據都察院奏李郁華為要案牽涉並風聞平日行止不端似此劣員豈可濫膺臺諫

李郁華著卽行革職以示懲儆科道為朝廷耳目之官職司糾劾膺是選者宜如何束身自愛期於無玷

臺班嗣後著都察院堂官將科道各員隨時認真考察如有不知檢束聲名惡劣者卽行據實糾參用副

整肅益稱至意○准故江蘇巡撫黎培敬於貴州建祠並予諡○准故雲南按察使吳德溥附祀曾耀光

祠職功事蹟交國史館立傳○戊申 上諭 大高殿祈雪○庚戌邵積誠奏 伏讀本月二十日 上

諭閩敬銘奏參監司大員前任戶部司官聲名貧劣物議沸騰請旨罷斥並不准其來京居住一摺廣東

布政使姚覲元湖北荆宜施道董儻翰湖北候補道楊鴻典均著革職卽行回籍欽此是見 朝廷剔弊

釐奸之至意 查河南候補道啟績前在戶部聲名惡劣經御史余上華參劾有案戶部素有姚楊董啟

四大金剛之目今姚覲元等皆奉 旨革職而啟績猶於山東堵築桃園決口案內由任道銘為之優加

保舉外顯皆以為同罪異罰輕重失宜似此劣員豈容漏網相應請 旨將啟績一併革職以伸公論而

儆官邪 上諭御史邵積誠奏請將劣員革職等語河南候補道啟績前任戶部司員聲名惡劣著卽行

革職以示懲儆○諭為治之道首在任用得人際茲時事多艱需才孔亟允宜博訪周諮以備擢用內而

部院大臣外而督撫大員各有以人事君之義平時見聞所及如有器識闕達才守兼優之員素所深悉者著各舉所知出具切實考語秉公保薦不得瞻徇情面及徒探虛聲濫登薦牘用副朝廷延攬真才至意○諭御史邵積誠奏撤陳管見一摺所請獎廉吏懲劣員禁罰款減差徭各條係爲整飭吏治培養民生起見朝廷澄敘官方以廉爲本內外大小臣工必當潔清自矢方可振作有爲各該督撫旌別屬員痛懲貪墨尤應拔擢廉吏以資觀感至賈緣奔競最爲惡習此次山東桃園河工合龍案內任道銜將已革之江西候補知府潘駿羣列保前經降旨令吏部議奏茲據該御史參劾潘駿羣保案著卽撤銷任道銜著交部議處各省設卡抽釐原屬不得已之舉屢經申論不准撥累若如該御史所奏釋放故縱復以偷漏議罰股例苛刻商民何堪著各直省督撫嚴禁局員不准勒索罰款如有前項情弊立卽嚴參懲辦各省差徭其必須借貸民力者不得照例飭辦若額外苛斂自弊叢生實爲民生之害近來直隸山西兩省業經該督撫設法裁減他省亦應體察情形核實辦理不得藉端苛派以上各節各該督撫務當實力奉行認真整頓毋得虛應故事視誥誡爲具文也○諭御史邵積誠奏請將節烈婦女等旌表等語福建建甯縣儒士廖恩聰之妻廖黃氏及其子祖基女貞姑婢福喜遇賊殉難侯官縣儒士鄭孝鴻之妻鄭王氏夫亡殉節均著准其旌表○壬子岑毓英杜瑞聯奏等據雲南布政使唐炯會同督後局司道詳稱

查夫役一項當未均徭徭銀以前在官人役皆於所屬民人內簽令充當名曰力差後改令輸銀助役曰力差銀最後復攤徵於地糧曰均徭銀自是歲著爲令役皆募充卽以均徭銀發給役食載在會典及賦役全書歷久遵行仰見 聖朝軫念民依用民而不欲竭民取民而惟恐擾民法甚善也滇省軍興廿載兵燹之後繼以瘟疫各屬田地多有荒蕪城市蕭索鄉民衣服襤褸不能蔽體民食多用包穀餬口維艱凋敝情形深堪憫惻歷引父老問其疾苦歛稱夫馬之役最爲民病其弊在地方官之苛派各府屬州縣平時肩輿旗鑼傘扇以至看堂看門看監卡押犯下至洒掃勸牧派用民夫因公督省或新舊赴任去任用夫更多派夫之外又復派馬平日則有跟班馬聽差馬辦差則有送差馬辦差之丁役庖人無不用馬甚至已派夫馬又復折價而出差委員所用夫馬亦皆由沿途折給價銀任意需索加以經營夫局之不肯紳董串同胥役賄地加派餽餉私囊文武紳士衙門兵差概不支應所支應者止力作窮民層層剝削其何以堪以上各弊輿論竝同倘非痛心疾首安能衆口一詞夫旣徵徭銀又派夫馬大非 朝廷恤民之意司道等踴躍再四非盡數裁革無以紓困擬將夫馬章程妥爲酌定另籌的款提歸善後局經理嗣後大小差使一經委派由局撥往返程途核核照市價雇募通飭各地方官不准再派夫馬各屬夫馬局一經裁撤積弊全除民力漸裕然後招集流亡勸課農桑開辦廢務衣食足則禮讓興自然禍亂不作

是所費實少而所益甚多等情詳請具奏前來。臣等伏查滇省地瘠民貧，又有夫馬之累，民力更形拮据。臣毓英前在雲南巡撫任內，辦理軍務，即深知此弊，祇以軍務喫緊，餉需奇窮，故所用夫役不能不藉資民力，而百姓亦深明大義，奮勉從公，擬俟軍務告竣再為請命。嗣於同治十二年全省肅清，即先奏請將民兵撥發永遠豁免，並請將錢糧減成徵收均徭。皇恩高厚，允准辦理。凡在臣民同深欽感，惟夫馬積弊因臣丁憂解任，尚未奏請裁革。上年臣瑞聯曾商本任督臣劉長佑以為弊先去其太甚，督飭司道將夫馬章程認真核減，而百姓仍屬艱苦，每一念及心，總難安茲。據該司道等具詳前情，實係為恤民起見，合無仰懇天恩，准將雲南通省夫馬自光緒九年正月起永遠裁革。以後督撫學政提鎮司道各要差均由督後局照章自行雇募，即各府州有緊要差使，俱照章給價自雇酌給夫價，不准科派地方。違者從嚴參辦。庶民困可蘇，元氣易復，邊疆幸甚。得旨：據奏已悉。該省夫馬積弊既深，自應裁革，惟所擬提款給價務當悉心妥籌，俾日久免滋流弊。

十二月癸丑朔諭禮部：元旦令節禮儀，諸有遵行一摺。朕奉慈福端佑，康頤昭豫，莊誠皇太后懿旨：光緒九年元旦停止。慈寧宮寶座停止，進宴毋庸設立儀仗樂設，而不作皇帝於養心殿行禮。王公大臣二品以上各員在慈寧門外行禮，三品以下各員在午門外行禮。所有內廷宮眷及公主福晉命

婦均著停止行禮皇帝停止升殿受賀其王公百官行禮之處均著照該部所議行○甲寅諭給事中鄧承修奏捐復前任中城副指揮高楓榆居心險狠被人呈控尚未訊結旋卽緣案降調嗣於北城營拿獲盜犯案內資緣保舉補缺後以知縣升用等語所有該員保案卽著撤銷該部知道○諭給事中鄧承修奏巡視東城御史戴彩聲名惡劣畀以城差必致貽誤地方請飭查參等語著都察院堂官確切查明據實具奏○諭給事中鄧承修奏臣鄙不職據實糾參一摺據樞都察院左副都御史崇勳奏無行檢凡遇城坊諸事請託公行尤與市僧往來等語著派廣野園敬銘將所參各節確切查明據實具奏○乙卯諭張之洞奏參劾知縣請行革職等語山西陽城縣知縣裕厚性情謬妄於民間私種鴉粟擅取稅錢且有剗開緩徵荒糧告示情事裕厚著革職聽候查辦○丙辰前任吉林將軍富明阿卒卹蔭如例○諭兵部奏請飭裁各省防勇確核兵額以節開需一摺著各就該省情形悉心酌度奏明辦理○丁巳上詣 奉先殿 壽皇殿行禮○以恭校 穆宗毅皇帝聖訓告竣予在館出力人員默爾格春等獎敘有差○戊午 上復詣 大高殿祈雪○諭惠郡王奕祥等奏恭辦 聖訓告竣呈進正本出力各員可否保奏各摺片 穆宗毅皇帝聖訓全書現經武英殿校刊完竣所有在事出力之提調等官著惠郡王奕祥等酌量保奏候旨施恩○諭前據順天府府尹游百川呈進已故主事郝懿行所著春秋比等書有

有留聲茲復據兼管順天府尹畢道遠等續進郝懿行及其妻王照圓所著各書當交南書房翰林閣
看據郝懿行顯意難逃闡明古義其妻王照圓博涉經史疏解精嚴等語郝懿行所著易說書說鄭氏
禮記箋王照圓所著詩說問怨女傳補註均著留覽○己未諭毓楨等奏應修各工請派員查驗一摺
孝陵 隆恩殿現有應行急修各工著派敬信敬謹查勘奏明辦理○諭何璟奏特參副將貞歸不職請
旨革職查辦一摺福建閩安協副將劉光明信任劣弁黃廷銓貪緣舞弊收受陋規並有妄建生祠情事
實屬愆法營私任性妄為著先行革職聽候查辦餘著照所議辦理該部知道○辛酉諭大理寺少卿劉
緒奏應補知縣選補無期比照同通應補人員五缺提選並准予雙單月並選給事中周整湖奏知縣選
缺請改為一留一咨各等語著吏部與戈靖英俊各摺片一併議奏○諭御史萬培因奏職官倚勢招搖
據實糾參一摺據御史職彰聲名忠劣與都察院候補事楊希祖拜認師生招搖嚇詐楊希祖並有
挾制司坊情事著都察院堂官歸入前案一併查明具奏另片奏東城正指揮鍾子明冒銷練局經費延
不造報等語著都察院堂官查明該員冒銷款項勒限追繳並將鍾子明照例參處○諭山東黃河工程
關係至要亟應通籌全局設法疏濬以絕後患著派游百川馳驛前赴山東察看情形妥為具奏山東候
補知府全士銜直隸候補知府朱采著交游百川差遣委用○准前署福建按察使延建邵道趙印川附

祀京師昭忠祠○允御史李燾錫奏請旌表貞烈婦女韓田氏等○調陳士杰爲山東巡撫任道鎔爲浙
江巡撫○王戊彭玉麟奏臣於光緒八年十一月初六日在浙江承准軍機大臣字寄十月十九日奉
上諭前據徐宗瀛奏湖北操防營兵丁滋事當經諭令徐宗瀛等將實在情形查奏等因欽此復於十一
月初九日承准軍機大臣字寄十月二十四日奉 上諭前因有人奏湖北營兵滋事情形當諭令彭玉
麟確查具奏等因欽此臣伏思此案既已諭令該督查奏實在情形該督近在同城職任所在自應據實
覆奏不敢欺蒙其如何覆奏之處臣無從過問謹遵 旨於十一月初十日恭報起程卽乘小舟沿河出
江所過各省謠傳不一臣俱不敢輕信須按照所參各節嚴密確查得其底衷先咨明將起程之知縣蔡
炳榮督標中軍副將鳳昌摘頂以靖民心十一月二十四日馳抵湖北省城復詳查確實不以謠傳爲憑
謹以共見共聞公是公非者爲我 皇太后 皇上陳之緣本年八月二十八日有湖北撫標右營把總
楊得魁因交病危急便衣往就近營務處候補道程春藻所開同利昌錢舖換銀錢舖壓平互相喧爭適
江夏縣知縣蔡炳榮路過查問該舖聲稱棍棍鬧事并不言其壓平之由該縣知是程春藻之錢舖不免
意存覓好當於街市喝令管責經該把總訴辯自言銜名及路過眾人俱爲乞恩該縣不照章告知營官
逆行擊責此始知江夏縣聽斷未公任性徇私擅責把總之實在情形也該把總受責回營羞辱不說然

衆目周知一城傳播聞聲成爲憤憤撫標中軍參將焦克勝右營遊擊周禮並城守營參將樊國泰出爲調停該把總自覺慚愧稟求撤差而衆兵曉曉不已督標中軍副將鳳昌督該營統領明知衆兵不平既不善於教導又不以察令任私擅打把總之事代違督撫以求持平辦理九月初四日該縣出門拜客路由閩馬廟時值鄉試武生雲集借廠跑馬先是該令曾任外縣因案憤責武生諸多怨恨適值擅責把總衆武生藉鳴不平衆口沸騰差役勸繞道省事該縣恃氣直經該廠見有在道之言罵者飭差拘拿遂被瓦石擊損肩與該縣及輿夫均帶有傷樊國泰焦克勝等聞信馳救幸而獲免此該縣擅責把總以後所以致毆之實在情形也該縣被毆之後不言當日積怨於武生但稟是操防營兵滋事督標中軍副將鳳昌前既未稟督撫致督撫臣於啟衅之緣由未能周知僅憑該縣之詞批飭養傷將該把總楊得魁發交武昌府管押令焦克勝交出滋事之人惟時兵民考生烏合之衆無從查出逾數日焦克勝撤任所有該管操防哨官四員全行更換而蔡令始終未撤任查焦克勝廉勇棧直約束兵丁恩威並用輿論昭彰今見撤任兵心愈爲不平業已搖動經武昌府知府嚴防將該把總轉交城守營參將樊國泰管押蔡炳榮總未撤任仍令兼署撫標中軍參將璞玉交人詞經鳳昌璞玉交出四人並非確切查明不過聊以塞責亦交樊國泰看守候審並無非刑拷問之事於十八夜二更外間忽喧傳督臣欲將此四人交親兵正法

謠言一播合城譁然該營兵丁一時情急齊赴統領鳳昌衙署爲四人囑寃時鳳昌及眷口已先得信趨避衆兵見署內無人並未動及物件惟隨看人多門戶稍有擄損復赴城守衙門求將在押四人放出並呼該把總楊得魁回行該把總長跪不行樊國泰以衆情洶洶諭使暫去再行詰罪督軍聞之急欲親出鎮撫經文武各員並在籍紳士勸諭衆兵登時漸次歸伍人心始定督軍至此時始知取衅之由旋即出示曉諭次早督撫臣又同出示曉諭二十一日牌撤江夏縣知縣蔡炳榮任衆兵立卹心服旋具公稟乞恩並有在籍紳士帶各官隨率哨弁等赴督署請罪督軍面加訓諭均已俯首無辭繼復請各署謝罪照常回營差操當十八日以後訛言四起民間實有冒雨遷徙者嗣經督撫臣出示曉諭人心亦安此又滋事及辦理各節之實在情形也臣伏查朝廷設官文武並重辦理案件貴持正尤貴持平持正則不致粉飾目前釀成異日之禍本持平則不致徇私任性激成當下之爭端查此案決裂之由一誤於蔡炳榮負氣任性徇私見好不遵定例當街擅責實缺把總致動衆怒又執性經由閩馬廩行走致擻衆武生報怨之鋒乃又不肯據實稟請查辦徒欲歸罪武營以洩忿再誤於該統領鳳昌平時既不善訓教兵丁有事又以下情上達致督軍不知起衅之由幾致釀成大患若不從嚴籌辦則爲州縣者徇私生禍無所懲戒將至人人效尤爲統領者粉飾釀禍無所畏懼將致事事欺罔幸而敷衍了局一時偷安而吏治

軍政毫無實心爲國爲民終將日即於敗壞而不覺應請旨將撤辦之江夏縣知縣蔡炳榮釀禍之兩湖督標中軍副將鳳昌一併革職以爲文武弁罔上徇私之戒至程春藻以司道大員既爲湖北省城之官身領要差何得謀利在本省開設錢店當舖多家以致官吏迎合激成事故現又更換店舖牌號心存巧避名色以欺輿論亦應請旨交部議處以挽官員營利之風其撫標中軍參將焦克勝向來樸實操練認真楊把總被江夏縣宰賁之後焦克勝稟請鳳昌轉詳並爲該把總認過其後江夏縣被衆武生報怨焦克勝實無從查人交辦以致撤任不但兵丁不服公論亦成爲啣冤至十八日夜間之事焦克勝先已撤任更非其罪應請免其處分至臣初次欽奉諭旨飭查淦宗瀛彭祖爵竭誠張皇辦理不謬臣查淦宗瀛正直有爲清濁有守彭祖爵勤慎精明士民感德該督撫俱久任封疆向無貽誤此案竊全大局安定人心雖難免竭誠之情實無有張皇之事似尙可免辦理不謬之咎二次欽奉諭旨飭查淦宗瀛事前既剛愎自用辦理操切事後又不將蔡炳榮撤任敷衍了事臣查淦宗瀛向來辦事認真持躬繙練此案係誤聽鳳昌之言始之認真近似操切後之繙練近似敷衍然始而聞兵丁滋事爲整飭軍政起見後則見人心搖動爲鎮靜兵民起見尙無剛愎自用之事竊以湖北爲長江之上游中原之屏障非有威靈知兵而又能通達事極者頗難勝此重任軍政不可不整軍心不可不固而刁風亦不可漸長紀

綱亦不可不存伏求 皇上嚴加訓飭凡事當持平守正謹始慮終勿存己見用人聽言尤須精密咸克厥愛必須公乃生明廉以持躬必須寬則得衆庶不負 朝廷委任高厚之恩再懲誅者臣今年八月於吳淞海上忽見長星光如噴瀑愛心如擗怪異非常又前五月間各處蛟災至有穿城垣破鎮市毀村莊具在端午前後兩日各省皆同不特爲災實亦異事大雪後冬至前雷聲復大作亦非時令所應有上天示警必有由然凡我臣工皆宜深加儆懼務求各盡職分潛感天心憂民忠國勤政明刑總期弭患於無形制治於未亂南省克復至今元氣未培風俗日靡人心日薄往往易動難爭吏治兵事在在皆關緊要伏求 皇上念南方收復之功同於再造武漢爲長江之要害南北之樞紐必須威名素著德望允孚方足以整兵保民控制全省關係半壁安危甚重此番營兵滋事亦由吏治未嫻急切整頓慮生變故敷衍苟安亦醜禍胎一處如此他處恐因而效尤小事如此大事將何以調度是皆足爲隱憂不能急辦而又不可不早爲籌畫者也經權悉當恩威並濟要使兵畏民懷足以禦寇而不爲寇是全在督撫之行事適中機宜風裁可畏可愛庶幾可以長治而久安也 上諭前因給事中張觀淳御史李鴻逵先後奏參湖北操防營兵丁滋事一案迭經諭令彭玉麟查明具奏茲據奏稱本年八月間撫標右營把總楊得魁在營務處道員程壽漢所開錢鋪換銀爭平口角江夏縣知縣蔡炳榮路過查問搜將該把總掌實合營威

爲不平嗣蔡炳榮路經馬廠時值武關鄉試武生與該縣素有積怨在道旁言罵該縣飭差拘拿遂被
大石擊傷該縣輒以操防營兵滋事稟知涂宗瀛而督標中軍副將鳳昌亦未稟悉前情該督當將楊得
魁發府管押並將中軍參將焦克勝撤任勒令交出營中四人既而外間訛傳該督欲將四人正法該營
兵丁情急齊赴鳳昌衙署及城守營衙署求爲放釋旋經文武各員及在籍紳士勸令各兵歸伍涂宗瀛
彭祖賢出示曉諭並將蔡炳榮撤任家兵立即心服照常回營差操等語此案江夏縣知縣蔡炳榮負氣
任性擅責營弁激成衆怨又不據實稟請查辦致啟弊端督標中軍副將鳳昌有統領該營之責平時既
不善於約束遇事又不下情上達幾釀巨案蔡炳榮鳳昌均著卽行革職嗣後該兵丁等務令各守營
規如再有不法之徒干犯法紀定須從嚴懲辦毋稍寬貸營務處道員程春藻以監司大員身領要差何
得營私謀利開設錢店當舖多家程春藻著交部議處撫標中軍參將焦克勝既據查明平日訓練兵丁
尙能認真卽著毋庸置議涂宗瀛彭祖賢辦理不善究難辭咎均著交部議處○諭軍機大臣等總理各
國事務衙門奏法越交涉一事法人現欲與中國會商請飭預籌善法一摺亟須演粵各省先事妥籌以
備臨時會議著將應行籌辦各節查照該衙門前函詳慎妥議如何有利無害堪以行之久遠迅速奏明
並知照該衙門以憑核辦原摺單均著鈔給閱看將此由五百里各諭令知之○癸亥左宗棠奏南北洋

籌辦防務以製造船礮爲第一要義而各省所設機器輪船等局製造一切又以煤鐵爲大宗近來湖北安徽等處礦山均經仿照西法設廠開挖本年夏間據徐州道程國熙稟稱銅山縣屬利國驛等處多產煤鐵若以機器開採足供輪船等局之用飭令候選知府胡恩燮延聘洋礦師入山採驗煤鐵均堪開採酌擬招商集資章程由道稟請試辦當將章程逐條批示並准委胡恩燮承辦續據該道呈報已於八月二十四日設局開採並請創辦之始購辦機器有費借約礦師有費以及起造廠屋廠爐一切無不有費所需成本爲數甚鉅擬照湖北等處土煤出口每噸完稅銀一錢之案一律請減等情前來臣查該局用西法開採出煤必多核與安徽湖北諸廠情事相同且該局礦山深處江境極邊運道綿長又多淺灘懸流每一阻險動須盤剝較之賈治等處運路近江尤覺爲難所挖土煤應准一律減稅合無籲懇 天恩俯准援照湖北安徽成案辦理以維商本而塞漏卮得 旨如所請行○張樹聲奏據署安州知州嚴祖望稟稱本年八月間有三等護衛薩彬齋投京中質親王府奉恩鎮國公河泰公文至州查公文內開民人王福祥路過焦元紀張金謀王得利等赴府呈稱州屬端村鎮辛家莊左近有湖出淀地四十八頃向由清河道葉伯英於水小之年計徵租金葉伯英升任赴陝無暇納租願將此地呈交公府該公遂援帶地投充之案准由府中徵租聲明先行咨明戶部立案續將徵租情形奏 聞並出示曉諭等情該州

正在查辦間薩彬旋即回京續於十一月十四日又據薩彬齎投該府公文並頃畝佃名租冊至州查公文內開此地前因禾稼歸倉地畝又多水浸將去人喚回茲從水凍結該公復遣人前來帶同王福祥等計畝清查招人認種曉諭該處人民投遞佃名令該州派役照料會勘並云葉伯英徵租冊上等地則收租至六千之多未免任意重斂該公擬將租數大加核減等情該州告以淀地關係水道久已禁墾且未奉各衙門札文不能辦理乃薩彬帶領多人大張告示前往辛家莊一帶丈地州民疑懼必致騷擾滋事貽害無窮詳請核示等情臣查民人帶地赴王公處投充係指該民人自有之地而言且係遠年成案斷無禁墾官淀可任便投獻之理此事核與定例成案均相悖謬當經批飭司道派員前往速傳護衛薩彬及拿王福祥等來省交保定府查訊詳辦一面曉諭州民照常安業不得妄聽浮言生衅茲據保定府知府恭鈞稟稱王得利係王福祥之弟查已病故路通焦元紀聞信逃逸其薩彬王福祥張金謀山司道委員知府格洪瀾分別傳解至省該府查得安州境內西淀卽北洋淀界連任邱高陽爲上游瀦龍等河匯歸滹蓄之區咸豐十一年係因大時乾旱淀水漸涸淤有灘地遂有趙象賢等認墾領照旋因楊連山等爭墾迭次省控部控纏訟不休同治七年前升撫恩福以民間只顧小利互相墾種勢必水無所歸泛濫爲害且係紛紛滋訟亦非利民經久之道請將淀地無論已墾未墾一概查禁已給執照者追繳再有

報墾者隨時查究不予准理詳由前督臣王文咨會戶部核覆照辦同治十二年有高陽縣紳士禮部郎中孟傳金呈請領種淀地並於光緒二年據趙象賢等復請領種淀地均已駁飭不准嗣因該淀自生葦草經升任清河道葉伯英飭州收佃作為河工之用上年有州民於淀邊私種涉訟又經現任清河道史克寬委員查辦暫將現種地畝收租充公將有礙河流淀地申明嚴禁並無葉伯英計畝徵租並上則收至六千文案據富提王福祥張金謀訊問據王福祥供係安州人伊知淀地有礙河流早已查禁因伊弟王得利曾經私種稻禾被人割去遂起意商允王得利並高陽縣人路通焦元紀將淀地投獻公府收租求充莊頭藉勢壓眾於五月間同赴京城託張金謀引薦門路許其並充莊頭張金謀帶領伊等往找在京之容城縣人李靜遠商量李靜遠聲言必須捏造四至頃畝地冊方能投獻伊等回州約略計算四至頃畝隨口混編佃名畝數復至京告知李靜遠捏造地冊作為前任清河道葉伯英徵租冊冊赴溥泰公府投獻溥泰先未允准經李靜遠轉求孟傳金赴府說合派護衛薩彬並孟傳金之姪孟廣志帶同伊等來州勘地招佃認租等語張金謀供係高陽縣人餘與王福祥所供相同據薩彬供該員係鑲藍旗滿洲曾親王府僕次奉恩鎮國公溥泰門下三等護衛王福祥等投獻淀地溥泰先未允准嗣因孟傳金往言可辦並言其姪孟廣志深悉情形溥泰信以為實遂派該員齎文赴州並齎諭孟廣志同往勘地收租先

因水勢甚大旋即回京十一月間又奉派齋文前來張貼告示查勘丈量王福祥等所呈原冊現未帶來等語由該府恭鈞具稟並據藩司穆駿等詳請奏明提京審辦前來臣恭查乾隆三十七年六月欽奉高宗純皇帝諭曰淀泊利在寬深其旁間有淤地不過水小時偶然涸出水至則當讓之於水方足以暢潑濂而資滋蓄非若江海河洲東坍西漲聽民循例報墾者可比乃瀕水愚民惟貪淤地之肥闕占墾效尤所占之地日益增則蓄水之區日益減每逢潦漲水無可容甚至漫溢爲患在閭閻權利有限而於河務關係非輕嗣後毋許復行占耕違者治罪等因欽此安州西淀卽白洋淀爲上游各河匯歸潑蓄之區關畿南附省各屬水道通塞民生利病雖間有淤出之地不過數頃並無四十八頃之多且漲涸不常變遷靡定若准墾種無裨賦課徒害河流是以迭次禁墾本係欽奉 聖諭辦理乃附近紳民只圖小利不顧大局屢欲報墾或乘間私稱今王福祥等竟以官淀捏造頃畝租冊設計投獻公府並欲全淀墾種任其泛濫爲害又捏造每畝六千文重則妄冀充當莊頭從中漁取厚利實屬膽玩不法此等奸民深堪痛恨定例軍民人等將爭競不明田地朦混投獻王府及內外官家勢要之家應發邊遠充軍受獻家長及管莊人亦應分別參究治罪又查乾隆四十八年六月正藍旗都統奉恩輔國公姜家人許鳴持往靜海縣私收馬廠地租一案恭奉 高宗純皇帝飭交王大臣等審擬並蒙 諭曰直隸總督於旗民交涉事

件最多必須秉公持平不避嫌怨方爲不負委任嗣後遇王公大臣等有因地畝一切事件與地方官交涉者不由戶部及本旗行文竟敢私自差人持論無論其事之是非曲直該督卽行據實一面奏聞一面辦理毋得稍存瞻顧自干咎戾等因欽此今此案飭查直隸各衙門均未接准戶部及本旗來文河秦既係公稱當知禁令何以於王福祥等投獻之後輒聽孟傅金可辦之言率行受獻私札安州並發告示諭帖派員前來勘丈招佃收租以致州民疑懼釀事端孟傅金係禮部郎中前次赴州呈懇窪地業經申明禁墾之案駁飭不准何以遽赴公府說合聲稱可辦並令其姪國子監肄業生孟放志同來均堪詫異查閱札文告示諭帖皆鈐用鑲藍旗佐領圖記究竟護衛疏彬及王福祥等所供是否屬實該護衛果否河秦所派有無假冒情弊河秦札州文內所言先行查明戶部立案有無其事自應據實奏請查辦以期水落石出相應請 旨飭下宗人府戶部鑲藍旗滿洲都統迅速詳確查明辦理案關牽涉公儲部員並請提審究辦所有該州送到之河秦原札文兩件冊一件又追出原給孟放志諭帖一件又在該州揭取疏彬張貼河秦原告示一張卽由臣咨送戶部會同各衙門查核其王福祥張金謀二名已飭保定府發縣派差並將疏彬在店看守候示在逃之路通焦元紀並供出之孟放志仍飭該州及原籍高陽縣分別拘押務獲至安州窪地應仍照原案飭令禁墾以暢河流而免爭端 上諭張樹聲奏禁墾官窪奸民設

計投獄公府招佃收租請旨查辦一摺據稱直隸安州西淀間有淤地因關係水道迭經禁墾奸民王福祥等竟敢捏造畝租册赴河泰府投獻冀充莊項漁利並有禮部郎中孟傳金前往說合溥泰輒私札該州並發告示諭帖派廳衛薩彬前往勘丈招佃收租等語此案著宗人府會同刑部確切查訊定擬具奏○予故甘肅巡補道張宗翰附祀劉典祠事蹟交國史館立傳○予歸安縣貞女沈左氏旌表○內實諭御史祥祐奏官員俸米請飭循例開放一摺據稱向來新漕進倉應由戶部行知倉場轉飭坐糧廳均勻派進近來並不遵循成例以致春秋放俸白弊叢生請飭將滿漢官員俸米挨次輪札並於漕糧到場時飭令該監督均勻派進各倉等語著戶部議奏○予茶陵州節婦陳田氏孝女陳曾氏旌表○諭給事中周鶴奏積案滋弊請飭嚴立定限並予遞延處分及計核各衙門例案分別存銷各摺片國家綜攬庶政內外相維督撫部院大臣果能振刷精神力戒玩愒督飭所屬遇有案件立即辦理不使稍有積壓諸弊自無由而生乃近來玩泄成風內外各衙門案件往往藉辭延擱任意遲逾以致積贖繁繁無應稽核竟視例定期為具文殊失朝廷勤求治理之意嗣後著內外大臣辦理一切案件務當懷遵定期如期清結不准稍有稽遲倘再蹈因循積習致有積壓定將該大臣等及承辦各員從嚴懲處至各部院衙門例案煩多每有歧異易滋弊竇將現存稿件詳加考核分別存銷以歸畫一○諭前據給事中鄧承修

奏參李瀚章在湖廣總督任內贖貨無厭任用私人各款當經諭令左宗棠查明具奏茲據奏稱李瀚章被參各款均查無實據惟於已革道員楊宗濂素日聲名平常經營新關稅務致招物議該督漫無覺察請將李瀚章交部嚴加議處已革道員楊宗濂聲名平常漫無覺察咎有應得著交部議處湖北候補道楊宗濂業經革職即著毋庸置議餘著照所議辦理該部知道○丁卯諭裕祿奏查明交代虧短各員請拿問革追一摺安徽已革桐城縣知縣王澤普短交銀一萬九千八百兩零已故青陽縣知縣譚銓短交銀二千一百五十餘兩已故前署旌德縣知縣周恩第短交銀九百九十餘兩屢催該員及各該家屬均未繳解實屬延玩王澤普著卽拿問監追提集經手書吏人等嚴訊所虧是侵是挪按律懲辦譚銓周恩第均著革職並傳各該家屬勒限嚴追一面由裕祿移咨各該員原籍一律查抄仍飭查各該員歷過任所寓所有無資財寄頓查封備抵以重庫款該部知道○加賞資善堂燬廢粟石三百石○諭大理寺卿英煦奏京學覺羅學政宜整頓請飭議章程一摺著宗人府妥議具奏○允孫家赫奏請旌表與女孫氏○允鄭賢坊奏請旌表烈女趙氏○戊辰諭軍機大臣等有人奏出使德國之李鳳苞係負販小夫略通西語鑽營保薦出使以來不遵定制私帶武弁並有挾妓出游恣情挑達情事等語使臣職任關繫緊要所參李鳳苞各節是否屬實著李鴻章訪查明確據實具奏原片著鈔給閱看○諭有人奏修撰黃忠承

案習織營聲名狼劣前在廣東於國制百日期內輒易吉服為人題主又向署潮州運同方功惠家結親
齋資逾萬與革員姚寶勳在上海夥置洋房物議紛紛方功惠與前按察使張銑結爲兒女姻親捏稱姪
女盤則重利官聲穢鄙請飭查參等語所奏是否屬實著左宗棠會同國丞衛榮光裕寬分別確查據實具
奏原片均著鈔給閱看將此各諭令知之○上復諭 大高嚴祈雪○予故原任天津道吳毓蘭附祀天
津曾國藩祠○已已諭鴻臚寺少卿延茂奏景山官學亟宜整頓請飭妥議章程並籌捐修置學舍器具
及指撥各省閒款爲八旗官學經費各摺片著派廣詩尚做銘張之萬會同寶琨李鴻藻徐桐麟書與會
議八旗官學摺一併妥議具奏○廣詩尚做銘奏光緒八年十二月初二日內閣奉 上諭給事中鄧承
修奏臺臣卑鄙不職據實糾參一摺據樞都察院左副都御史崇勳奏無行檢凡遇城坊諸事請託公行
尤喜與市儈往來等語著派廣詩尚做銘將所參各節確切查明據實具奏欽此欽遵將原奏鈔出查原
奏內稱伏見左副都御史崇勳素無行檢久玷臺班凡遇城坊諸事請託公行甚至尋門道謝臺省諸臣
數與市儈皆鑿鑿有據尤喜與市儈往來聞去年正陽門外洋貨鋪開張時崇勳爲之知客終日酬酢道
路觀瞻無不駭歎而崇勳不以爲恥似此齷齪卑鄙不知檢束不敢曲爲徇隱用據實彈劾等語等語
心考查如該給事中原奏所稱崇勳素無行檢一語既未指實當以有無向城坊請託及曾否與市儈往

來以定其平日之行檢自應詳細查明方可據爲定論惟請託一節事屬曖昧既無案牘可稽卽徧傳司坊各官詳加質問事無佐證亦未肯一一吐實惟有明察暗訪或可得其公是非茲就臣等訪查所及有謂崇勳自履任以來凡遇城坊諸事多所干預者有謂崇勳於城坊公事每喚司坊官到其私宅授意者並有令司坊官將所託之事轉達巡城御史經巡城御史拒絕者雖未能確指所託何事在於何時而人言藉藉衆論叙同則該給事中所稱臺省諸臣數與臣言皆鑿鑿有據似不爲無因又所參與市僧往來一節臣等查正陽門外鮮魚口地方開有永順乾字號洋貨鋪門首匾額招牌皆崇勳所書窻口亦謂該鋪去年開張之日崇勳爲之掛紅並親往賀喜張羅臣等查該鋪所開相同並派司員密查亦與臣等所聞相同是該給事中所稱洋貨鋪開張時崇勳爲之知客道路觀瞻無不駭歎等實有其事矣夫以臺長而囑及司坊大臣而甘儕市僧實屬不知檢束有玷臺班惟該副都御史係三品大員應如何予以懲處之處恭候 聖裁 上諭嚴爵因撤銘奏違查臺臣被參各款據實覆陳一摺據稱都察院左副都御史崇勳自到任以來於城坊公事每喚司坊官到其私宅授意多所干預人言藉藉衆論叙同並查明正陽門外永乾順洋貨鋪匾額招牌係崇勳所書該鋪開張之日崇勳親往賀喜實有其事等語宗勳以三品大員職司風憲似此不知檢束實屬有玷臺班崇勳著卽行革職以示懲儆○烏拉嵩崇阿等

奏光緒八年十二月初二日奉 上諭給事中鄧承修奏巡視東城御史載彩聲名惡劣并以城差必致貽誤地方請飭查參等語著都察院堂官確切查明據實具奏欽此等因遵即將載彩撤去城差遴選戶科掣印給事中安祥禮科給事中孔憲誠掌河南道御史榮桂湖廣道御史邵積誠會同京畿道御史松林梁俊頤勒經額孫紀雲確切查明並以萬培因曾與載彩同城飭具速行詳覆旋於初八日奉 上諭御史萬培因奏職官倚勢招搖據實糾參一摺據御史載彩聲名惡劣與都察院候補都事楊希祖并認師生招搖嚇詐楊希祖並有挾制司坊情事著都察院堂官歸入前案查明具奏等因欽此等因復囑科道等逐款詳查飭令載彩呈遞親供取其東城司坊官鍾子明等暨都事楊希祖各供據原供載彩於派巡東城後楊希祖前往賀喜談及有人欲參東城城傳司坊到宅交派事件楊希祖出城適遇副指揮楊樹藩令其轉傳指揮鍾子明吏目汪廷棟一同到載彩私宅該員等先後前往未見載彩山載彩家人張姓交出信一件並傳載彩口諭有人欲參東城等語其信係查拿西倉花戶之事經漢巡城阻止未行詳閱各供大致相同等因查載彩身居官路與總官往還已屬不知自重又輕率漏言被楊希祖藉端以弄並令家人代傳公事誦事顛預以致聲名有玷疊被糾彈復敢率請與原參官對質尤為荒謬糊塗楊希祖雖查無與載彩拜認師生確據惟自供與載彩早年相好賀喜聞談又探聽載彩言語傳與司坊其

爲遇事生風意在招搖不問可知似此不安本分之員若令久居京師必仍交通官吏擾亂地方至楊樹藩赴宅回事亦時有但與楊希祖路途相遇輒談及公事其平素交通可知亦屬不合相應請旨將掌雲南道御史宗室載彩卽行革職都察院候補都事楊希祖卽行革職勒令回籍交地方官嚴加管束東城副指揮楊樹藩開缺另補以示懲儆又奏奉 上諭御史萬培因片奏東城正指揮鍾子明冒銷練勇局經費延不造報等語著都察院堂官查明該員冒銷款項勒限追繳並將鍾子明照例參處欽此臣等查五城練勇局勇丁口糧係按日支發其開支也不能不以銀易錢以便散放其造報也又不能不按錢合銀以符部章出入之間易滋弊混今據萬培因奏稱鍾子明冊開銀兩換錢一項與市價懸殊計每月換錢約計冒銷三百餘千等語臣等當飭東城將該員所開清冊呈驗並據派科道逐項查核旋據查得冊內所開均係年例支銷之款惟以銀易錢一項與市價相殊雖不至每月浮冒三百餘千之多而其中實有不實不盡之處俾到該指揮詳加詰問據供本年添置號衣冬令與勇丁更換皮襖等項共用一百四十三兩非年例所有不能報銷一時無法設措挪移應付今蒙查問情願賠繳等語旋據將此項賠款呈繳前來臣等查明仍交東城作爲操演勇丁稿賞緝捕之費與萬培因原參數目大致不甚相懸查該指揮挪移公款雖未侵吞入己惟不將虧短情形回堂批准輒於以銀易錢一項將多報少希圖填補

究屬不應且被參以後始行賠補呈繳仍宜科以質銷應請 旨將東城正指揮鍾子明交部照例議處
至練勇局支銷一項應山臣等札飭五城公同妥議畫一章程各部立案永遠遵守以昭核實而免紛歧
上諭都察院奏查明御史載彩被參各款據實覆奏一摺巡視東城寧雲南道御史載彩身居言路輒
與總官往來不知自重並令家人代傳公事迭被糾彈復敢率請與原參官對質實屬荒謬糊塗載彩著
卽行革職都察院候補都事楊希祖雖查無與載彩拜認師生確據供與載彩不素交好並向司坊傳話
遇事生風意在招搖實屬不安本分楊希祖著卽行革職勒令回籍交地方官嚴加管束東城副指揮楊
樹藩與楊希祖路遇輒談及公事不素交通可知著開缺另補另片奏查明指揮鍾子明多欸等語東城
正指揮鍾子明領放局勇口糧以銀易錢將多報少移作添置號三等項用費雖未侵吞入己惟不將虧
短情形同堂且被參後始據賠繳究難辭咎鍾子明著交部照例議處○諭游百川奏謹擬酌帶隨員一
摺順天順義縣知縣張春熙直隸候補同知謝偉勳候補知縣趙欽舜前山東觀城縣教諭孫翰卿候選
教諭王慶祥均著交游百川差遣委用一併馳驛前往○庚午諭朕敬奉 慈禧端佑康頤昭豫莊誠皇
太后深宮侍養朝日起居上年六月間已報大安猶未如常康復年餘以來隨時調攝現在 慈躬已臻
康健天下臣民同深慶幸惟念斯宵訓政仍未可過涉焦勞朕惟有於定省之餘細慰 聖慈過事節勞

寬懷顧養益臻強固以慰普天仰望之忱道員薛福辰知府汪守正與太醫院院判莊守和等由總管內務府大臣帶領請脈所議方劑敬慎商推悉臻妥協允宜特沛恩施以示獎敘薛福辰著賞加頭品頂戴調補直隸道永道汪守正著賞加二品頂戴調補直隸天津府知府均著即行赴任太醫院左院判莊守和右院判李德昌均著賞加二品頂戴即補御醫佟文斌著賞加四品頂戴御醫楊安貴著賞加五品頂戴八品吏目王應瑞著賞加六品頂戴總管內務府大臣廣壽志和師曾廣順俊均著交部從優議敘

○岑毓英奏京銅運道擬仍改歸舊制由四川瀘州水運入京下部議奏○諭吏部奏遵議大員處分一摺前山東巡撫調任浙江巡撫任道銜應得降二級調用處分著加恩改為革職留任○辛未雪○諭禮部等部奏順天府請增建貢院號舍會議覆陳一摺昨據給事中鄧承修條陳科場事宜請飭慎核錄科等語鄉試錄科送考例有定額近年以來順天鄉試錄送太濫致號舍不敷嗣後著國子監及順天學政嚴行考核分別棄取毋得稍涉寬濫該部所奏增建貢院號舍之處著毋庸議○壬申雪○諭李鴻章奏懇恩賞假回籍營葬一摺據覽所奏情詞懇切良用惻然本應俯如所請寬予假期惟北洋事務關繫緊要李鴻章措置得宜朝廷方資倚畀所有請假營葬之處俟來年正月間再降諭旨○諭御史劉恩溥奏請除鋼習以肅官方各摺片據稱滿漢文武大員以及翰詹科道中如有吸食洋藥者請勒限三月

概令禁斷等語官員吸食鴉片例禁甚嚴凡列朝廷宜知自愛然如該御史所奏漸染嗜好之人恐亦不免著再履行申徹嗣後中外文武大小各員如有吸食鴉片者務當痛自痛洗力改前非倘再陽奉陰違不知懼悔一經發覺定即嚴行懲辦決不寬貸○癸酉召任道路來京以劉秉璋為浙江巡撫○允榮鍾簡奏請旌表節婦沈周氏凌胡氏徐覃氏李羅氏李吳氏劉王氏等○諭著派伯彥訥謨精閣徹銘驍前往 東陵查辦事件隨帶司員著一併馳驛○諭御史劉恩溥奏各省請免騎射武職人員請飭部妥議章程嚴懲取巧等語著兵部議奏○諭考試為論才大典功令森嚴原期拔真才而杜倖進乃日久弊生在考官員奉行不力應試士子賢否不齊甚至作奸犯科僥倖試於人才士習大有關繫亟應嚴行整頓昨據給事中鄧承修條陳科場事宜不無可採據稱近來考到錄科每有槍冒頂替京官濫出印信或藉端訛索鄉會士子入闈及交卷日往來擾亂換卷傳遞各情殊屬不成事體著各該衙門並監臨知貢舉大臣實力整頓嚴密關防倘有前項弊端即行分別懲辦毋得玩泄從事仍前竟縱各省鄉試同考官著該督撫遴派品學兼優之員並嚴加查察如有通賄薦卷者照例治罪各省學政錄科送考一體從嚴甄錄毋稍寬濫鄉會試覆試閱卷大臣認真考核不得意存選就其所請添派勝錄對讀各官量加獎敘一節著該部議奏各項考試惟在秉公校閱不在變更成法嗣後殿廷考試讀卷閱卷大臣務當精

白乃心詳加遴選力杜情弊該給事中所請殿試及考試差揀選供事書吏磨寫之處著毋庸議○甲戌諭給事中唐樹楠奏各部院衙門保送御史請即認真考察一摺查該部院堂官保送滿漢御史務當認真考察擇其才守兼優者出具切實考語以備簡用不得濫行保送如所保非人定照濫保例議處○以恩福爲正藍旗漢軍副都統德銘爲正紅旗護軍統領○乙亥諭前據林葆元奏請將捐資帶練珍擒首要之降調候補道員夏聲律等開復降革處分當令該部議奏茲據孔憲毅奏夏聲律蕭兆芬周尙文吳燾卿謝世貴羅應堂等皆係稔習被議之員請將保案撤銷等語著該部即將夏聲律等保案確查具奏○正藍旗漢軍副都統索布多爾扎布卒卹賚如例並賞銀五百兩治喪○孔憲毅奏查現在捐例已停尙有二弊在焉一曰過班一曰指省指省之弊臣曾言之戶部司員以不便其私從而議駁夫分發以聖職爲懸公也指省則各隨其人之私弊端所伏難以枚舉况分發爲國家常例而指省則一時權宜之計今以權宜混入常例尤於定章不合至過班一項如捐例方開或曰以廣招徠猶可言也今胡爲善徒令佐雜捐百餘金而正印矣州縣捐數百金而道府矣生覬覦之心啟攀援之路甚則於原省中過班而小可加大於過班後指省又此可之彼二弊循環難以究詰亟應停止以端士習再遇避一項亦應請歸部舉

簽不准自指一省庶僱門可期杜塞矣 上諭給事中孔憲毅奏捐納人員過班指省兩項請飭停止等

語著戶部議奏○內子 上詣 大高殿報謝○丁丑諭裕祿奏在籍知府辦賑積勞病故懇請優卹一

摺前直隸保定府知府馬純武因丁憂回籍於本年正月經裕祿奏委辦理該省賑務該故員晝夜奔馳

不辭勞瘁以致歿於差次殊堪憫惻著交部從優議卹○色楞額奏布達拉山殿宇樓房修理工竣恭迎

高宗純皇帝 聖容回殿供奉 旨敬悉○戊寅諭給事中黃元善奏各省揀調首府首縣請嚴定

濫保處分等語著吏部議奏○庚辰錫祉病請解任允之以福錕為鑲藍旗蒙古副都統○上詣 太廟

行禮○頒給奉天鳳凰廳 關帝 龍神 城隍各廟安東縣 關帝 天后 城隍 龍王 江神

海神各廟匾額○辛巳以 溥宗毅皇帝聖訓全書經武英殿校刊完竣予在事出力人員翰林院編修

陳文驥等獎敘有差○壬午諭侍郎寶廷途中買妾自請從重懲責等語寶廷奉命典試宜如何東身自

愛乃竟於歸途買妾任意妄為殊出情理之外寶廷著交部嚴加議處○是年前葡牙國始以澳門總督

兼充駐華使臣○塞爾維亞國王密則以替王號乞駐法使臣代遞國書○統計出口貨值銀六千七百

三十三萬六千八百四十六兩進口貨值銀七千七百七十一萬五千二百二十八兩相抵虧一千三十

七萬八千三百八十二兩凡徵稅銀一千四百八萬五千六百七十二兩